

青城山人集

王璲

文碩閣

wenshuoge.com

目录

关于我们	3
提要	5
青城山人集原序	6
青城山人集卷一	7
青城山人集卷二	21
青城山人集卷三	33
青城山人集卷四	45
青城山人集卷五	57
青城山人集卷六	61
青城山人集卷七	69
青城山人集卷八	76

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨按青城山人集八卷明王燧撰燧字汝玉长洲人洪武中举浙江乡试以荐掇府学教授改应天训导擢翰林五经博士官至春坊赞善洪熙初赠太子賓客諡文靖所着诗稿在当日已多散佚正统十二年其孙鎰始裒次为编其嫺家华靖删定为八卷即此本也朱彝尊静志居诗话称其诗不费 索斤斤唐人之调吴人徐用理集永乐后诗家三百三十人以燧压卷今观其诗音节色泽皆力摹古格颇近于高棅林鸿一派诚有拟议而不能变化之嫌然当元之季诗格靡丽往往体近填词燧能毅然以六代三唐为模楷亦卓然特立之士又不得以后来王李之流 预绳明初人矣乾隆四十二年五月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

青城山人集原序

余弱冠时已闻青城王先生刻厉于诗之名矣及游京师获拜先生于给事中天台蒋君所辱先生不以后生待余而与之进顷之蒋君以送宋侍书归金华诗求于先生先生即伸卷濡墨题曰少小离乡国归时及壮年三巴百指住万里一家全青琐荣新秩金华复旧田圣恩何以报晚节保贞坚题竟即掷笔而去予时异先生于诗不涉搆思才之敏句之新也有如此而不负昔之所闻也矣兹吴门华君彙粹先生之诗凡若干卷欲命工以楔于梓徵予序其首简惟诗为文之至精者也发乎情性而止乎礼义夫岂可易言者哉故知非赋稟清明才趣超踔之士不足以语此若先生者自少负聪明特达之资才清趣防宜其平日之诗之文輒与海内作者齐驱而并驾间有或之而先者也若兹集不沦虚寂不流靡漫洋洋乎泐泐乎縁情指事驾蘓李而凌元白其慨而不激直而不肆殊得诗人温柔敦厚之防诚不负为一代之名家也兹辱华君之请序顾余之昏庸肤陋奚足以当特念不拜先生者垂五十年余因覩斯集而感慨系之姑强言以弁其端者用识予景仰之私云尔先生名璣字汝玉姑苏人青城其号也官至右春坊右赞善兼翰林院检讨赠太子賓客谥文靖华君名靖字彦谋读书惇行士也以先生没而欲不没先生之善将刊是集以行于世亦可见其为人云故并序之景泰元年八月初吉资善大夫南京吏部尚书萧山魏驥书

青城山人集卷一

明王燧撰

五言古诗

杂诗十首

昔年十四五猛志狭八荒欲登昆仑巅挥手攀扶桑腰县倚天劒身被拂云裳出入在元始顾瞻近三光琅玕人不寶灵鸟方高翔吞声勿复道感慨热衷肠

又

远游歷燕赵抚剑黄金防昭王在何许遗迹空蒿莱是时穷秋后朔漠悲风来惊沙掩白日六龙就西頽羈怀无与欢俯仰独徘徊徘徊将安之零泪曾沾怀

又

青阳降丰泽万物竞欣荣秋霜被原野从此悲凋零贤人抱识鉴时运有衰兴四皓隱商山二八登虞廷卷舒贵适道奚必局常经

又

长川欲车骋脩路乃舟航梧桐巢燕雀荆棘栖鸾凰人情多不测世故有难量班姬不长信赵女入昭阳防陰今日翳巧语使交伤谁能如管鲍终始不相忘

又

多财情易淫纵欲神将铄瞻前慎图返处泰当思约婉变通衢子遨游恣欢谑玉佩绮罗衣白马黄金络但慕千驷侈安知一瓢乐一朝时忽殊万事总零落盛年不可保富贵难常托胡彼冲虚人防心守恬漠

又

薜花辉朝艷岂覩蟠桃春营营尘中徒宁识林下人声色令心惑骄荒使智昏日夕相驰逐何时返道真

又

顏回反天卒盜跖获壽亡众人惑其变志士守其常非法不敢奸临义安肯忘愿为松柏姿不学桃李芳桃李能娛人飘零使我伤

又

弱水不容涉蓬萊焉得游生时被珠玉死后归山邱一身非我有此外定足求君子顺时命小人行险谋荣华能取辱贫贱可忘忧

又

盛衰互相倚物理本有常仓鹵方振羽鴻鴈已飞翔人生不滿百防命若晨霜昨时朱顏子忽奄成苍苍材大徒为累名高徒自伤何如王子晋乘鸾远飘扬

又

东去有瀛洲灵螯戴三峯洪涛九万里云海彷彿通神仙息其上丹阙泊珠宫飡霞几玉蕊綠髮双青瞳我将从之游轻举凌长风飘飘八紘外流睇九垓中江河一沟渎泰华如蚁封放神荡精魄壽与天地终

拙斋为徐希孟赋

抱瓮良独苦桔槔殊可珍何为汉陰叟不肯防其淳古道去云远澆风荡天真营营趋巧智扰扰逐迷津之子慕高尚游心葛天民闭门守质朴事此百年身繁荣媚芳节百卉悴严晨人生有恒理安用常忧辛

萍居

匏瓜有恒繫流萍无定踪物情各自然今古谁能通人生寄宇内出处将无同墨生突不黔原思老蒿蓬仲尼称大圣辙迹环周封孟軻挟仁义邹鲁不能容宵人怀所安君子顺其逢行止虽殊涂至今归一宗愿子保贞素坎流当任从

鸣鳳轩

鳳飞朝云表五章脩羽仪廻翔从不下顾览在德辉美人抱高志植此圭璫姿将期九苞翼来集凌寒枝但恐花不实零霜厉严威从今舟穴雏惇惇抱长饥翻貽斥鷃诮中道将安归

寄陈嗣初

昭代鲜遗逸夫人尚沉沦岂无乘时志华髮有慈亲倾家具甘防励 守清贫蹉跎四十载抱

洁将终身嗟我愧非才叨陪侍从臣荐章岂所惜知子情未伸沧海风霜晚故苑芳华新勉焉
慎自保防服高堂春

送徐希孟之沅湘

青青璫树枝忽带风霜雪借问此何来沅湘从役翻思离别年寒暑屡迁易故交几人存往
事谁能识秋风飘大荒旅鴈振新翼翩然整行旆又欲辞乡国庭闱岂不恋王事敢宁息嗟予
从衰病送子伤衷臆匪无丈夫志临岐要难抑后防复何时劝子加饮食

答王之常

零露漙蔓草月华皓前墀美人在密迕枉割寄遐思余本林栖士夙怀山野姿矧兹抱疴从筋
力弥已衰虑淡非有悟退闲固其宜念彼谷中兰芳生日应滋过时不以佩将与萧艾萎非君
同心者此志谅谁知

防饮赋得酒字

处世犹梦中梦觉复安有生前尚如此何暇计身后屈原称独醒空葬江鱼口古人不欲者一
一今在否君防枝上花荣悴若翻手朱颜几何时倏尔成皓首画堂绮筵开总是青云友海风
扫秋空错落挂星斗我将舞柘枝君唱折杨柳劝君当此欢莫负杯中酒

送太守之官

瓦缶获登荐洗壘宁见珍巴童更倡和岂复歌阳春吁嗟去古远大雅将谁陈圣朝复敦朴清
风荡嚣尘多君秉高志卓犖思超伦晚生际今世尚友怀古人亨衢纵逸轡天池跃脩鳞分符
守名郡治本归清真香凝燕寝昼吏散公庭春乃知汲长孺卧理淮南民孰云世日降此道非
殊伦劝君终努力垂辉映无垠

着存堂

高堂已寂寞居处若平生结念承欢日疑闻警咳声况兹承祀事芳香既云升中心致爱慤洋
洋俨居歆孰谓逝者远格思在精诚着存记戴礼端切孝子情

述怀

蚤年蔑知识负志颇傲岸每鄙子张辟常嫌仲由嘒浩气逸虹蜺高情薄霄汉悬河吐狂谈振
绮洒芳翰辞胎珠晶荧出璞玉璀璨羣英见推獎前辈辱称赞问齿方在童有髮犹未冠展转
时物非蹉跎歲华换风霜忽凄厉雨雪亦零乱未纵跃川鳞早铄凌云翰顾瞻乏良图进退昧
深算豺狼正纵横虎豹共奔窜一身甘贱贫十口寄丛灌蒸藜当晨炊扫叶供午爨角巾不裹

头破褐仅遮骭世途日孔棘家道屡多难百忧遂纷纭万事总芜漫浮踪学萍漂浪迹类梗断徒怀济时略独抱穷途叹携书过海濱负笈客江畔感至恒支頤愁来频扼腕今秋防又残兹夕坐将半哀哀鹊绕枝嗷嗷鸿失伴青灯乍明灭皎月方辉焕寒声撼空窻露气逼虚幔壮怀凝欲消归思浩莫绊惊鱼怯举网伤鸟畏张弹未覩黄河清空歌白石烂乱杵递相催羣鸡互争唤出门望东方漫漫何时旦

平安南诗

圣恩涵万国蛮夷犯天纲寛刑冀或改怙终弥弗臧神人咸愤怒天兵临南荒虎贲八十万士马皆精强陆行震山谷水涉腾海洋逆徒敢来拒一鼓如驱羊谁云富良险坦若履康庄谁云连柵固易若摧枯杨胁从悉罔治渠魁独奔亡王师疾如飞追逐穷潜藏大索搗巢穴如入无人乡生擒尽遗类凯奏军威扬遂令炎服表禾黍秋芒昔陷狐狸窟今防帝泽滂父老馈箠壶士女来元黄捷书报天下欢声洋洋平淮美宪宗江汉赞宣王小臣忝朝列称颂进明光愿言祈圣壽万万同天长

王孟端寫竹木图为院判刘士賓题

菁菁綠竹枝落落古贞木同抱凌寒姿托根荒山曲长安桃李花含芳媚春淑狂风一披拂蓬梗共吹逐愿祈保后凋宁憚委岩谷

行素轩

谷粟苟充腹膏粱非我谋御寒有布褐奚用裘狐裘顔生在陋巷簞食乐忘忧原思处蓬蒿结驷匪所求吁嗟去古远此道良悠悠之子秉夙尚洁躬企前脩力畊畎间行素屏纷尤浊酒盈春缸时稼登寒畴营计有恒产奉亲足甘柔长年逢余暇既唱还复酬内省多自得外观悉云浮人生游寰宇百歳非千秋咄彼利名子蚩蚩何止休

送曾子固视犹子子桀还江右

邱园事韬晦托迹依蓬蒿栖迟四十载悉屏尘事交犹子瑚璉器置身登青霄感念同气恩心焉结烦劳翩然辞林扉京华远游遨欢爱情既洽别离思已消因登钟山岑乃望长江潮时逢康泰盛治用神化超壮兹平生志攄此胷中豪薄言赋旋归东流泝轻舠天边三山迴云际九华高还家田庐静去郭烟水遥岂无当世贤连茹思拔茅卷舒各有道泾渭难溷淆白驹终莫縻丛桂那能招重来谅未卜仰止徒长谣

惠山留别诸友

名山蕴真气地脉显灵液澄源古石深乳窦寒泉滴锵锵激清响湛湛凝沈碧中朝赐告还杖策遂登厯因寻禅栖侣复值亲知客芳兰袭华裾嘉羞荐瑶席诸公属青年愧我髮垂白同逢

圣明代欢乐殊未极明晨将戒行分袂欲成戚后防良有期别离何足惜京华望东吴云树才咫尺

文防轩

我昔骋逸辔艺苑穷遨游济济集时彦高谈极殷周质文相炳焕探索入元幽道漓秦汉际真源失其流圣代复淳古唐虞共鸿猷诸生抱奇志圣学思探求开轩黉宫里师友更倡酬清风杏坛来冲襟散烦忧愿言崇令德期与颜曾俦

养志堂

事亲贵奉养匪在衣与餐轻甘或不悵龕粝有余欢古来称孝子岂为保饥寒贤哉曾参氏志养心已安孟轲表志行垂芳逾芝兰之子慕前哲辟兹华構寬佳名题养志承顏恒【阙】观迓来捧毛檄置身青云端丁年富才力天路随鹏搏又如阿阁鳳文彩脩羽翰显庸自兹始行见加纓冠忠贞克努力大孝乃思完垂辉着汗简一寸中心丹

结交行

坚冰不可履内蓄万状波小人不可近对面兴网罗倾舟非必深折轮非必戕君防平地间步步山与河

秋夜寄华东湖

旅泊未云久遽兹及良时郊原夕澄澈星斗上参差望君密迹地结我千里思岂无泽畔舟泛月弄清漪徒然起幽兴尚愧文墨羈行待瑶华秀终当践佳期援毫慚鄙陋先用寫睽离

题徐希孟云林卷兼柬王之常

东吴山水郡我家万山中自从别猿鹤振佩明光宫云林结遐想美人邈难从之子山中来都门忽相逢我家南窗下幽兰滋几丛天寒露华陨花叶应丰茸路远莫能采恐随萧艾同送子鳳城外长江生西风明将卧云林五湖烟水东我有所思者同心复同宗怀之不可见使我心忡忡因君为报谢蕙帐非终空

徐山人来自东吴邂逅相见以云林图徵诗追念旧游为之怅然故人之常先生养高林壑不渝素志自愧与时追随进退无补可为长叹也方将整冠入西清山人适来告别清晓篝灯赋诗并识左方吴门王汝玉

挽林先生

林公生胜国卓荦志不羣蚤歲尝膺仕老年遭世屯豺虎相啖食龙蛇方未分三吳各都防白昼昏风尘乐土成割据江山陷沈沦公时遂长遁閼迹潜荆榛不冠亦不带佯狂称散人誓将沮溺俦甘与原宪贫违俗本全节洁身非乱伦皇明靖六合万国咸来賓伯夷泊吕望歛然兴海濱繫公岂无志弹冠乘道津奈兹筋力衰终作草莽臣昔在八姓日翠华屡更新嗟嗟冯太师累世秉国钧何如郑云叟独不挂纓绅观公秉高谊异代同清芬令子抱材器恭逢尧舜君苍苍示昭鉴公郁从兹伸鳳翔千仞仪豹变南山文终为明世瑞垂辉耀千春九原或可作些酒招歌魂

初辞长洲县庠

潜鳞贵幽沈迅翮当上征伊抱孱陋质俯仰难为情进趋既匪任退武复怀惊念徃感多变顾始愧将倾兹焉幸返旧游息在柴荆谷行晨晦暖岭眺夕澄明红泉演綠礪碧磴披丹英时升烟霞表恍若凌长清素心自昭旷外物徒纷荣愿同战胜者弄化保嘉贞

寄王秀才

无事互相倚孰能察其防羣贤溢天堦独子偃岩扉虽云缺华綬自顾有斑衣人生各异立志者当庶几江山入秋气草木凋芳菲苍然贞松质歲晚有余辉

题雪屋卷

洛阳掩關卧剡曲放舟廻何如山馆昼独坐思悠哉鉴湖似瀛海稽阜若蓬莱波净银为浦岩明玉作台矜鲜失舞鹤防白间疎梅知子丰葩藻讵让兔园才愿闻歌郢曲阳春逐奏来

鹧鸪

游鶻运四海黄鹄摩丹霄道逢霜霰严铄翮青云遥何如秋原鶻短羽无高超饥飡野田实栖集依苇萧时飞复时止和声弄鲜飏雌雄各安偶所乐同鶻鶻志愿易为足过图良自劳物生贵得性岂必搏扶摇

题双壁堂

谢庭夸玉树衛诗赋瑶璠何如临江彦伯仲二难并莹然双白璧皎皎蓝田英佐邑初试用躬畊尚违荣昭代贵良器天衢方大亨怀韞岂终从卑沈匪无成瑚璉荐清庙琅玕贡明廷知君善待贾行见重连城

秋夜九首

桐风弦商声竹露琤寒滴室幽月离离壁古虫唧唧迟莫行可企朱明奄成昔方来无新欢既

逝多故感晶晶窗下灯照我为生客

又

西陆气凄恻败扉宵不扃片月落空隙冷烟攢破櫺感感少安卧悠悠孤抱醒悲蛩呻酸响老木挺瘦形即此丛众感懵然使心防

又

忧聽不及远客梦不暇长哀风吊中夜古叶啼高苍幽幽篱下枝尚缀防薄芳严霜将卒至生意安所望失时贵潜智扬已徒见伤君子识命分泯灭庸何妨

又

瘦骨惧寒集病怀惊运周廻愁縁肠转孤绪随噫抽念昔苦多谬慙今未违尤流光逐逝水瞬息不暂留涉川当乘舟遵岐当驾辀前修有良轨后辈宜勉由尚湏防其弩庥几道可求

又

寒月如利防棱棱不可干愁人如秋蝉嘒嘒皆哀酸新泪迸故眼后噫续前叹谁言一寸心中有虑万端

又

冷衾无暖卧短烛无长明志士有愤叹忧人多苦声凉月挂寒壁枯飈嘶商茎四时递相促羲驭长不宁【阙】忽如剪抚【阙】飒已盈窠虫鸣幽幽余生欲何成

又

四壁鬼神满单栖谁与羣凝心无定寐集耳多虚闻病骨利于刃瘠肤皱成纹盘盘愁轮运裊裊忧绪纷强为咿嚶歌鸣响如悲蚊

又

羈贫日弥甚破屋秋夜长数防星挂帐五更霜落床寒蜂刺双足峭若撓剑铍枯泣不为滴噫总成章自怜憔悴生安得逢春阳

又

露滴夕气瘦风泣霜天枯暗萤无远照商鸟有惊呼癯肩耸将折吟肠痛如刳忍苦求古道古道非今途今途与古道曲直各异趋趋曲不趋直伤哉古道荒

为华彦谋题王孟端寫枯木竹石

洛阳二三月桃李争芳菲朝随春阳媚暮逐东风飞山中有古木丛竹相因依苍然抱贞固不为霜霰欺由来君子心流俗那能移

题施江月扇

忆我初识君江轩月如秋故人丹林子挟我同遨游凉风起天未白苹满芳洲浩然纵奇气毕竟情未收自兹始相见谈笑恒忘倦兴来挥防毫五气云露炫却晒谢宣城澄江净如练我去谒承明君来访神京客楼三日雨听彻□花声别来今几载屡防流光改彤庭赐告还风景依然在重防落枫江芙蓉正堪采百年几何时防少多分离那知在今日聚首非素期玉杯行美酒座上皆亲知当筵不为乐莫待长相思明朝我仍去未必重相遇丈夫志四方细故安足虑它时倘念我为折三花树

题吏部陈侍郎奉萱堂

美人奉亲处乃在湖山中水云深几许苍翠千万重高堂啓华搆长日春融融罗帷卷晴旭防服翻和风称觴介眉壽花暎亲顏红人生天地间至乐谁能同愿言保终养何必希乔洪

邹氏安然堂

君子安命分宵人蹈危机二者茫昧间孰能察其防陆行思薄汉沈渊欲腾飞何如顺其轨履此坦且夷贤哉道乡裔素位不外驰文綉与絺绤各言守其宜我歌安分篇愿以貽箴防

题庐山读书处卷

谪仙去已从千古庐山空唯留瀑布水依旧悬长虹美人抱良质价重连城璧心同秋水清气与晴云逸结屋庐山边读书知几年逍遥明月下啸咏凉风前长吟谪仙诗还继谪仙兴五老削青天芙蓉插明镜竭来从宦游空忆庐山秋九江可揽结飞梦过江州

黄鹄山房为典仪萧彦敬赋

黄鹄已飞去空余黄鹄山只今几千载黄鹄当来还美人云霄士托迹兹山里山房卧白云丹诏忽徵起典仪侍亲王朱邸叅鹓行自公每退食山中恣翱翔天空月明后凉意满窗牖风生万壑哀黄鹄知来否狂歌招黄鹄却上黄鹤楼长江一万里流到武昌秋仙人子安輦玉节降瑶防不骑黄鹤下定跨黄鹤来我将从子去附翼紫清表追随黄鹄游俯瞰三山小

为顾御史题竹林茅舍图

簪绂遂初衣结茅在深竹庭静积秋陰窻虚锁寒綠知子从乐闲无心慕荣禄予本林壑人平生寡羈束欲因风雪夕来拟聯床宿为问捧筒时何如此幽独

爱日堂

羲和不停驭孝子多隱忧譬彼川上波逝者无廻流寸草徒有心春晖谅难酬豺獭欲思报昊天极悠悠谁挥鲁阳戈为请飞光留

为谈彦诚题戴嵩画牛

杨柳綠生陰春陂芳草深牧童放犊去杏坞入烟林黄昏伴应少孤月起遥岑嗟我忘归客徒兴默齷心

题侯主簿忠告轩

君诚不独治分忧頼贤牧所以汉郎官出宰应星宿长洲古名邑民物称富足年来从凋弊五月柴新谷侯令剗烦才存心在忠告行春载轻车烟村桑柘綠孝悌申古训淳庞化今俗坐令百里间讴歌仍鼓腹昔闻宓子贱弹琴致民服复修良吏传为尔请重续

霞洲旧隱

我闻仙霞景未识仙霞洲三山横紫翠影落七闽秋前贤读书处占尽仙霞趣结绮排空来流晖浮野去之子非庸人霞洲卧几春竭来应明诏侍从依紫宸徒凝霞洲想难遂霞洲赏防待功成时拂衣许长往

题静专斋

天道 以穆生物无二心陰阳不停机寒暑递相寻默然成运化宁间古与今惟人最钟秀灵防湛沈沈操存谅有道不为羣累侵澄澜来轻风皎月销防陰勉焉勿休替接武渊与参仰希无言训三叹有遗音

题养晦斋

良玉蕴贞石明珠藏重泉未登卞隋场至寶何由宣美人抱才器中歲甘自捐法曹才小试不与物推迁簿书日纠纷此心每悠然金门慕方朔山陰忆梅仙由来贞隱者岂必栖云烟乃知抗志士匪谢区中緣愿子终所守兼以道自全

题高太常赠钱文学画竹

美人抱贞节来自苕溪陰相遇玉堂仙贻贈比兼金猗彼綠竹枝琅然瑶华音防物岂足贵用表歲寒心

题清晖楼

昔上越王城曾望丹山曲千岩与万壑一一皆经目归来四十年东望心茫然至今山窗梦夜落九洞天叶君住东州家有清晖楼檐栖水色冷帘卷山光秋缅怀旧游处天涯 烟树长吟谢公诗安得凌风去

远趣楼

王君大隱徒脱畧当世务结楼红尘中宛有沧洲趣窗含夫椒云帘卷洞庭雨暮防烟鸟还朝见风帆举身将杳漠俱心与鸿蒙侣即此是真游何须在岩渚

题画

嘉树生繁陰林虚转深杳夜来疎雨收綠水人家晓素心寡所营岂为烦虑扰独坐望南湖清风动苹杪

又

疎烟带平野闲花落空林鸡声在何许人家春树陰将寻邱仲侣谐此尘外心幽期倘云遂宁惜露沾襟

松石轩

熙阳丽东园繁华艷桃李惊风飘西陆零落委流水驱车驾言迈登彼南山趾青松何鬱鬱白石亦齿齿亭然独后凋屹立复奚倚狂夫徇轻薄志士固终始愿期保贞心中道无衰靡

题张昭阳秋野轩

象无停轡白驹恒不羈旋闻金飈振奄观炎暑移堂居瞰西野秋气倏云凄鸣鸿方噉噉彼黍渐离离白苹芳华动红兰彩艷滋弹冠晴岗表濯纓晴川湄物情信多美夙心宁弗怡但感幽风戒重怀蟋蟀诗履霜非伊始坚冰行可期四时有成序天道谅如斯達人贵无闷志士抱遐思唯应守其素兹理良可持

题 中子卷

君平昔遁世卖卜居城闾百钱足自给闭门守清真伊人负高志脱畧烟尘际清风去不还此
道今谁继我闻春市东客有号 中早年谢纷靡晚节甘固穷尝师 中子曾晤穷通理龙性
岂能驯鳳飞畴得制我愿往从之平生命自知不须论跃马但欲问前非

哀解开先

胜国运终圯潢池争弄兵惟公起儒素志在安苍生风尘昧寰宇揽辔思澄清誓将双龙劒截
海屠长鲸西江数十郡寇盗纷纵横公时奉朝命慷慨辞帝京翩然乘单舸万里东南行父老
覩汉仪簞壶欣并迎间出敌人壁重完吉安城檄书传将臣戮力扫搀抢当时忠义徒猛气冲
冠纓指期定恢复奋激争摅诚惜哉事已去雄图竟无成狂澜既溃决孤柱安能撑徒挥鲁阳
戈难挽落日倾至今悲歌士闻风为吞声鲁连游邯郸片言定纷争谢传起东山谈笑江左宁
嗟公虽不偶千古同高情可怜流俗子锱铢论重轻安知壮夫节成败何足评余亦抱竒伟囊
锥常愿呈慕公一寸心金石同坚贞布衣忧社稷任重居公卿九原不复作长些哀难平赋诗
继七哀雪泪风悲鸣

和僧见寄三首

师本林卧人予亦烟栖客同在一山中如何未相识钟鸣松杪风惆怅生孤忆

鹤飞空林表人语惊泉间清景方自悦所思杳难攀归云何处至无复望中山

闻説 心处岩栖知几层磬随夕籁断香带秋岚凝寂寂松窗下孤灯照一僧

二妇艶二首

大妇冠鳳翽中妇试春绡小妇方安卧罗帐掩春娇曙寒衾枕冷良人事早朝

大妇上云机中妇裁罗衣小妇多姿态含笑惜春晖鸟啼花复落夜遥人未归

咏中庭幽兰寄曾日彰练声伯

中庭有幽兰贞独信为美移根自泽陰托防近堂趾敷叶恒披緑抽茎复攢紫桃李讵能方苒
蒨或可比纫之佩服间足以赠君子

送浦舍人还晋府

秋气集西陆惊风飘大荒酒酣拔长剑送子度太行贤王受睿算【阙】土镇朔方晋国古名
都九州臻才良子怀珠与璧获登隋卞场置身既得所勲业行可望别离当兹日岂不怀感伤
丈夫相结托所贵在慨慷讵学儿女徒眷恋涕沾裳

送同年故人别

孟春寒律逝令节变青阳结轸东郊路饯子返故乡山川固云迓感别易情伤念昔同游日蹇翰志远翔讵知今再遇流浪叹星霜时风敷淑气皋兰茁紫芳采此将为赠终要去不忘

送吳得清寺丞复任

之子出将家能武兼能文昂然骐驎姿不与凡马羣我昔始相遇芝兰喜同芬匆匆情未尽遽作东西分愧我忝宗伯幸际唐虞君子行典马政日极滁阳云京华素秋节邂逅展殷勤羨子气清逸凉空净尘氛丹青凌顾陆诗逼鲍参军或时洒翰墨纵横题练裙飘然复别去幽路沧江濱爱而不可挽烟树愁纷纷赠子芳杜蘅怀袖有余薰愿子保贞洁皋鹤声终闻

发故篋得表侄尤允所錄杂文

我有心所亲全家窜南徼传闻已沦亡想念结怀抱开篋睹遗书临编增永悼伊子自童丱与尔敦情好自匪因亲防由来同志操泮宫武共步兰省艺偕较宇宙中横溃艰虞出非料尔去困累拘余归隱畊钓一朝异存没万里阻哀吊荒阡瘞旅櫟炎风拂飞旒二亲亦沈陨孤息复谁告感兹痛心膺奚暇论墨妙殫羞奠安设鞠养言非蹈摘章情冀申濡毫意如毫

秋斋晓坐

旭旦抱虚寂斋居絕諠哗淡然思虑息悦此景气佳凉飈散烦燠綠树含清华兹焉即栖屏奚用穷幽遐羽人漱金液隱者营丹砂长生事既悖遗世言徒夸我志孰能亮沈吟空自嗟

清乐轩

雅志厌纷扰委怀泉石间云岚递掩映松竹交廻环坐覽架上书仰瞻天际山诸生列华席辨析啓心顏此中有真趣非谓耽燕闲

答丁逊学虞公务见寄

前峰暝色起四野黯将暮缅怀故山人相望阻欢晤感感抱离愁冲冲动忧素岂无江上舟泛此烟中渚尚为文墨系未果戒归路载歌投赠篇惆怅徒延伫

又

偶然返山中相见散烦襟别来又旬日佳期尚难寻郊原初雨歇新綠遍春林自慚萍梗迹徒负烟霞心覽君枉貽什中有金玉音沈吟不能答落日下西岑

湖中夜泛

夜深入广泽月暎孤舟寒四顾杳无际益知天宇寬孟冬气萧索北风振枯萑烝然遵渚鴈惊举青云端嗷嗷发哀响无地息羽翰我心怀惻隱感激生忧患愿言溥爱惠咸使兹类安惜哉力防弱扼腕徒长叹

送徐庭兰归包山

君家洞庭西我家洞庭东盈盈一水隔何事不相逢花飞长安陌邂逅初相识一见即成懽宁知共为客秋风生旅衣别我欲言归无限沧洲趣呉山入望防因君问猿鹤蕙帐何如昨别有歲寒期长歌在林壑

秋夜怀沈秀才

萤栖衰苇寒月敛踈萝暝羈怀悄无懽卧背风灯影露冷叶声翻更深人语定欲弹孤桐琴惆怅谁能听因兹念知己展转至宵竟

题仙山图

二室秀紫烟九华插青天仙人跨白鳳栖息来其巔我欲徃从之跪受长生编飘然学轻举谢此尘中緣平生事遨游空悞桃李年秋霜防緑鬢未果求真詮空斋防图画灵境临我前云梯挂苍巘碧涧流丹泉金光草初长瑶华共芊绵何当淩其英笑拍洪崖肩

次汪翰林登尹山述怀効韩仪曹诗韵

朱火流天末商飈起江皋佳人在何许一夕增波涛相望阻遐道无由泛轻舠烟空数鴈过木落羣峯高感兹歲将晚使我心烦劳徒然植兰茝乃尔埋榛蒿清风既不至霜霰将焉逃赋诗谢妍倡兼以呈同曹

题度關图

秦川西南鰲迢递带函關鸡鸣津吏起车马无时闲七贤欲何之骑从拥征鞍顾盼周郑郊翱翔二淆间茫茫快遐目悠悠开心顏而我苦匏系徒思远游盘披图企高躅飞度钟华山题诗攄壮怀安得相追攀

次翰林博士先生歲除陪祀诗韵

文武创王业成康绍鸿基讴歌協人望歷数承天时圣朝啓景运太祖英雄姿九州昔横溃伊谁抚羣师龙飞起濠泗叱咤开坤维戎衣才一试中夏先平夷观兵出日表振旅陰山陲鰥寡

有安养困穷无垂洟北征南服怨东讨西人思嗣皇御大寶发政首老羸谅陰始终毕南面裳衣垂三千举礼典五百符贞期圣心不自满夙夜惟敬祇献歲脩时祭致斋肃威仪鸣銮届清庙侍衛行透迟云从翔鳳盖日炫交龙旗音容端可即登降愀含悲载惟肇造艰慎守方自兹精心益寅畏对越罔愆遗神保锡灵贶宗祝告蕃祺万邦永康乂屡丰无阻饥一德恒昭显日新宁類疵泰山奠宗社 颺绵根支商王配齐圣周后同缉熙亿年固統绪百代奉宗祠史官纪成绩足配生民诗

送刘广文

美人冠章甫千里远徂征饯别河梁上惻怆结深情江南祓禊罢春服属初成芳洲生綠水繁树隕朱英草蔓紫如绶莺歌响似笙念此将瞬间中素讵能平惟应候迅翼仰聆金玉声

杂诗

世代宅三辅遨游遍南都南都繁华地郁郁帝王居朱宫夹驰道丹阙俯清渠东眺金张第西瞻许史庐南邻击钟鼓北里鸣匏竽平明朝谒散幘盖溢亨衢日夕未能止鸡鸣复来趋贪夫徇财贿烈士贵名誉今我谅何苦坎壈独忧虞

题方士洪云林书舍卷

我家吳山西君家吳山东东西近相对各在云林中别来忽几载屡见流光改佳游今已非往事知安在君浮汭河水我客京华春同沽金陵酒共是殊乡人我犹滞冷舍君将还故山云林结遐想可望不可攀送君长安道飞花乱烟草楚树接吳山關河路非杳明朝我忆君矫首情易凄云林在何许如隔武陵谿

顾慎画为徐子信题

放舟白苹渚上有青枫林美人自远至水濶烟云深相防默无语共爱风满襟俯仰千载上何人是同心

又

林间綠绮琴江上木兰艇同是尘外人迹殊心各静叶下羣树凉云归万山暝物我俱已忘清襟岂劳整

青城山人集卷二

明 王燧 撰

七言古诗

送郑 龄还家

山中别来三十年京华重见情依然昔时少小今老大相顾握手俱堪怜
缅想烟霞同志客楚云秦树天南北
谁为问旧游
懽鸥盟冷落花狼籍雨声空馆喜
聯床银烛摇红夜正长
解貂且醉金陵酒
勿论它乡与故乡我方留滞君归去未拟佳期在何处
百年几度海生桑目断江东
縈离绪

题王叔明画黄鹤山图 为喻彦行赋

我昔曾游黄鹤山
山人留我闭松關
山中风雨经十日万壑千岩空翠间
别来浪迹游湖海
歲月茫茫不相待
回首东南频梦飞
山空鹤去人何在
画里依稀记往年
水光山色搃依然
寻游常有山中客
挥手谁招鹤上仙
竹陰深锁秋窗曙
疑是山人吟笑处
人生行乐付东流
万事浮云搃何许
我欲山中访旧游
酒船横渡洞庭秋
请歌黄鹤归来曲
消尽胷中万古愁

题海棠白头公为范原绍作

韶光染色浓如绮
开遍东风枝上蕊
海棠偏得艳阳多
乱簇香红娇不起
白头啼鸟含芳情
殷勤飞入花间鸣
似向东君诉心事
千回万转皆春声
余情欲寄朱顏客
为报青春劝君惜
防花须及少年时
莫待吳霜镜中白

为朱昂题薛澹园竹

我家昔住吳山麓
绕屋曾栽万竿竹
如今见画却题诗
忆在山中春雨时
暮云作团飞不起
空翠满衣秋欲洗
何当重扫石床眠
一任露华凉似水

题湖山佳趣卷

我生夙抱烟霞癖
半世林泉寄踪迹
五湖春水洞庭山
沙鸟野猿俱旧识
菲才叨禄在京华
频防长安陌
上花翻忆湖山
昔游处不知明月落谁家
美人家在东吳住
占得湖山无限趣
采樵常倚桂枝岩
放棹时过荻花溆
我有茅堂与秫田
归期未卜是何年
玉堂一枕春风梦
飞绕山光水影边

新秋寄远

梧桐露零金井寒芙蓉水减银塘寬社日湘帘送双燕素尘寶扇愁孤鸾新丝织就鸳鸯绮并刀裁作合欢被古岩桂吐月半轮澄空鴈来人万里星斗迢迢凉夜长音书几日到辽阳封侯早系黄金印莫负君家白玉堂

石湖送别

青山嵯峨云外起下有澄湖绵十里春风吹雨洗吳天天净湖明玉镜圆范公昔日曾游处水色山光带烟树春明画舫载笙歌独有游人自来去美人从此赴京师湖上杨花正乱飞歌罢湖山前度曲佩声归去侍彤闈

房山竹

辋川昔画铁钩锁满幅纵横鳳毛堕澄心初画金错刀烟梢数叶风萧萧房山挺出文苏后近代谁能出其右防毫挥成玉两枝弄晴带雨青猗猗此君真得寫神手宛然空谷相逢时吳兴洒瀚飞霜雪名画名书称二絕风流一代属儒家什袭珍藏宜检阅

题张良之思亲堂

二亲昔时在庭闱孝子翩翩舞防衣二亲已歿归黄土孝子空思防衣舞春风花开秋叶黄雨露既濡天降霜流光无情不相待此心思亲那可忘当年种得长生草惆怅如今亦枯槁沧溟易竭山可亏人生思亲无絕期

读余忠宣公文集

中原日落秋尘黄西望烽火连荆襄雄藩宿将尽惊遁书生复见张睢阳孤军坚壁大江上誓欲保障东南疆羽书四入丞相府援兵不出吁可伤神州陆沈大势去夫谁击楫江中央七年大小数百战士卒感发疲复张食殫力竭城遂防麾下裨将无生降嗟公竟作厉鬼死全家义徇为国殇至今遗文落人世直与日月争辉光伊余再拜获披诵徒拭血泪沾衣裳九原精爽应可作愿歌大招荐椒浆

金陵夜坐

海风夜半从东起云卷秋空净如洗三山射影入明河金作莲花开綠水綠水茫茫使我愁不知何处可通舟张骞一去今安在天上人间几度秋

题可斋卷

维扬佳士润州客十载簪纓游上国斋居新構远尘嚣彤邸扁题留翰墨缥帙牙籤左右陈青囊有药济时人年来积得陰功厚红杏花开绕舍春长时賓友多相过透竹茶烟翠成朵机心

总付与浮云觴咏笑谈无不可老我年来众疾婴愿求匕剂制頽龄朱顏若有还童望不用黄庭内景经

赠鲜学士

忆昔先皇临紫极轺车屡降徼山泽君时年少挟奇才徒步观光来上国万言防进蓬莱宫
劍花出匣森词锋九重非常赐顏色一朝声誉凌长虹玉堂初秉丝纶笔金豸俄迁乌府秩廷臣
俊乂数千人当代諫书推第一殿前端立近宸旒西凤雕鹗横清秋片言直折田丞相几度请
斩安昌侯贵戚勲臣金与霍终年陪从亲帷幄长安市上多家奴一日闻风皆胆落天恩旋许
归宁亲放迹西江山水濱长读南陔采兰句绣衣晴炫斑衣新阳春明月秋风夜忆簪鵷行侍
龙驾中天回首五云高梦长飞双阙下鼎湖白日叹龙升君亦仓皇西北行孤臣遥望帝乡
远血淚如雨沾长纓万里栖栖复归日弊裘羸马无人识 都观里防桃花总是刘郎后来植
我皇继统传万年囊括四海收英贤贾生遂膺宣室召诸葛不顾南阳田含香重入銓坡直屢
草丹书宣帝德金鸡衔出紫泥书莲炬照还青琐夕先皇盛业超虞唐命君纪述开秘藏编成
再拜献中禁勅赐文綺兼緋黄万机燕闲宫漏夕东阁西清常侍侧恭承顾问进嘉谟上补袞
衣无阙职明良际合古今稀况复两朝蒙眷知子房一遇赤龙子倒海倾心山不移嗟余识君
虽恨晚君常顾我多青眼大夫倾盖即情亲结交何必论深浅劝君松柏励贞心歲晚不为霜
霰侵投軀尽悴报明主袖拂五湖烟水深

薛涛海棠

锦城已得春消息万里桥边花似织东风先到海棠枝千朶苞香茜裙拆桥边嫩人花作魂玉
纖巧夺花精神娟娟尽湿金茎露却笑胭脂防绛唇鸾牋半幅情无限不学琴心抱孤怨只愁
化作防云飞綠叶陰陰閤深院

半野轩

松陵城外长桥路綠水逶迤带云树水边树里是谁家半郭半村高隱处少年曾入幽并游投
老还家理钓舟醉卧芦花深浦月笑呼笙鹤洞庭秋流光苒苒浮云改八表神游知几载至今
想见晋风流犹有当时遺墨在我亦烟波旧钓徒香杭炊熟脰鲜鲈天恩未报丹心切敢问渔
蓑泛五湖

题岳阳楼图

君山一带横黛蛾洞庭万顷生白波西风落木楚天迴楼倚紫汉高嵯峨西瞻雪岭云中起东
俯长江数千里飞檐曲栏倚西风落鵞孤霞带流水昔闻蓬莱有真仙几度楼头曾醉眠玉管
一声山月白朗吟飞去已千年子生素有遨游志白髮东南欲留滞登楼拟欲覓仙踪试问三
神山外事便当链液鎔金丹后天不老常紅顏晴窗对画发遐想岳阳之楼何日来跻攀

冷斋

单君家本东州住十载栖栖守儒素一官新领广文毡宛在长江最西处江花江水朝暮流却望家乡思旧游想像当时读书处斋居萧飒冷如秋自从来作江西客留得平生心不易一斋况味冷如初任使人间自炎赫岁云暮矣飞严霜东园岂复遗芬芳贞松老栢挺孤操蔚然秀发千寻冈人生抱道贵如此肯逐繁英共浮靡世上谁知郑广文洛阳岂识袁高士嗟子避热三十年冷斋寒席心从便人生老去本戒得况乃层冰心素坚感君少壮负奇志凡马羣中见骐驎愿君中道勿自疑晚节苦贞宜愈励

题鳳山书屋

吳山往事浮云去山势犹传鳳栖处东风不锁玉楼春花落当时后庭树美人家住鳳山坳雪卷横江万顷潮云气陰连三岛近海门晴拔两峯高疎帘展卷清朝坐曲几篝灯宵未卧鳳飞千仞不归来频见万松山月堕九苞覽德今朝天美人追随青云边黄旗紫盖葱茏起彩章五色同翩翩置身阿阁依霄汉珠树璫花互辉焕亲聽箫韶奏九成嚙嚙声在瑶防畔应思高卧鳳山云水影林光几度新野鸟独怜山寂寞一声啼断翠华春别来书舍浑如旧芳草间花自增秀已闻名誉重穿杨未许思家问垂柳风流白皙方青年骏马金鞵被锦鞵丹鳳城中朝谒下何人不美玉堂仙况尝远作乘轺使西北山川归揽轡未夸天上泛灵槎尽入胷中作奇气忆余少覓钱塘游月中折桂西风秋可怜与子未相识不向鳳山寻少留老来遇子芙蓉阙屈指流光十余阅琐闥应制午陰移紫禁候朝清漏彻同侍銮輿幸辟雍千官珂佩如云从退归一望春无限满袖天香紫陌风讲筵初设绅纓列延阁编书萃才杰就中我最知子深楚楚真維产丹穴西蜀徒称庞士元河东不用推三絶丝绳玉缸春酒香几回共醉黄金觴华筵错落罗綺食星河银烛交荧煌后予簪笔承华侍子録勲绩书旂常玉墀同簪鷺序东阁西清严禁籞此际终朝迹稍疎每逢休暇多相与我今为子歌鳳山兴落书窻綠萝雨劒花出匣秋莲开防子爽迈非凡才育成羽仪脩炳蔚当年本自岐山来明堂大啓临泰阶圣人端拱万国怀衞书呈祥将属谁鳳山旧舍何有哉

聚玉堂诗

连城白璧天下奇卞和得之翻见疑周家 璧及琬琰列陈西序谁能窺何如春秋邾国多一门长防春雍熙风云清淑华構啓九龙山前震泽湄春花秋月歲频度堂上日日吹埙簫伯兄资稟温且栗仲季咸粹无瑕玼吕君旧为文学掾揭题聚玉顔堂楣河南先生玉堂老文章耀长虹垂雄篇奥义作题识力挽古道孰浇漓容防博士梁溪彦持卷索我为歌诗硜硜顽矿人所弃敢对西子扬蛾眉勉思祖母尤氏族事宋穆陵为太师昔营菟裘并锡麓少小犹忆相追随邑中着姓我多识邹氏颇亦曾相知青毡传家将百载不逐桑海同更移秋风万木总凋谢挺然独抱凌霜姿只今相承凡几叶庭前皎皎增璫枝缅怀时风从趋薄欲咏棠棣嗟吾衰喜君与俗不俱靡二难皓髮全怡怡有如纷纷鸡鹜侣蔚然孤鳳丹山仪余家昔尝秉友爱乡人曾以芝兰推那知中道遇摧折鵲鵲原上徒伤悲中情感激为君赋才薄愧乏琼瑶词

题梅花卷为顾御史赋

我家家在吳山住路入梅花最深处
天空歲晚雪纷飞绕屋寒香千万树
花时日日醉花边酒醒长吟花下眠
听到翠禽啼欲断任教明月照青天
自从游宦京华久梦绕花前与花后
故山花发想依然何逊才华已非旧
霜防御史绣衣人藏得横斜水面真
一幅齐纨裁皎雪笔端浑是玉精神
萧斋冻雨檐花落纸帐夜寒灯影薄
恍然相对似还家春信依稀生綠萼
綠萼春生日渐多故山归计尚蹉跎
玉堂日赐宫壶酒其耐梅花似雪何
何当便赴防花约莫待江天吹晓角
诗成却向画中题酒熟空思花下酌

乌防清晓

广寒宫阙金风起十二琼防凉似水
何时月弄晴辉冷浸栢防秋色里
美人绣衣对青灯六曲云屏爽气凝
南飞乌鹊不惊绕玉壶清贮银河冰
此时心在澄虚境白露红莲秋炯炯
忽闻禁漏滴三更唤起遐思发深省
参横斗转天苍苍将整冠佩朝明光
袞衣无缺不烦补近臣何事諫封章
城乌未啼人尚悄坐待金炉香篆袅
天上初传啓九關一庭霜月乌防晓

题云山图

三山陈翁湖海士平生浩荡怀奇气
晚年脱迹游永嘉寫尽江南山水意
江南山水何处多吳头楚尾青嵯峨
天鸡啼罢海光动大江一道悬银河
江村綠树人家晓燕子归时人悄悄
千山空翠挟雨来万顷白云闲不扫
尔不见米芾颠海岳庙前书画舫
溪藤出水雪花皎兴来摇笔生云烟
又不見高尚书家住房山沧海隅
昼长坐对辽天迴尺素乱洒云模糊
陈翁昔歲得其奥邱壑蟠曾夺天造
大娘剑器张颠草手应心通入神妙
何当放浪游名山倒跨白鹿寻仙關
翁乎翁乎精爽可呼起笑折三秀云崖间

春风堂

昔年有士游程门弥月坐絕春风温
清芬相传数百载族姓喜见云初孙
早年负笈登太学宰邑佐郡多承恩
公余退食高堂下右史左图供讨论
大书春风揭华扁仰止先哲今如存
恍然心目若亲炙不异当时和气暄
我闻游杨尝立雪太山岩岩师道尊
大贤设教岂矛盾万善殊途同一源
吁嗟道丧向千载古圣奥义多湮沦
斯文未泯出天意笃生河南弟与昆
言立德示矜式垂训万世开防昏
犹如长夜方未晓朝阳忽起光灿灿
春风堂中春寂寂之子独坐无烦喧
更歌浴沂咏归罢俯视满庭芳草蕃
悠然真趣非外假欲寫心素应忘言

南湖佳趣

雨香云暖东风里綠涨南湖湖上水
望中千顷净无尘细縠平铺吹不起
鳬鹭鸕防交交飞蒲芽含紫芦芽肥
天光水影更荡漾湖南湖北皆春晖
美人家并湖边住花落花开春几度
自从捧檄仕京华梦绕烟霞钓游处
我本沙鸥社里人别来频见鳳城春
赋诗为寫湖南趣犹忆汀

洲采白苹

陌上桑

东城璧日曙煌煌流照防家文杏梁罗敷初起郁金床妆成曳履出兰堂纖纖柔荑携玉筐逐伴紫陌采綠桑陌上丽景正春阳鲜华丰草竞纷芳映见罗敷好容妆丹唇含贝眉黛长瓠犀皓齿粲晨霜脸边匀饰和頰黄宫腰冉弱盈把强澄澜娟娟溢娇睚倭堕寶髻低复昂翠钗翩翾翾鳳凰耳畔明月缀双珰广衣窄襦巧束装蛟绡方领湘绮裆綉文交颈刺鸳鸯合欢缓带顺风颺迴軀竦步婉欲翔落英飞燕交颺颺行人辟易立两行尽讶罗敷艳非常使君五马来东方遣吏借问家何乡愿言授綬共徜徉罗敷含羞伫道旁湏臾防防啓鸞吭致辞向前请审详妾家易识复难忘青楼画阁俨相望二八辞亲奉姑嫜良人初并侍中郎朝朝驰骤少年场騶骊银勒紫丝缰芙蓉劒转七星芒今年专城绾金章瑶璠结佩响锵锵真珠飒纚垂香囊府中出入善趋跄六衢三市生辉光可怜意气能骄张还家别有欢无央九华帐列东西厢侍女齐熏苏合香箏竽喧闐间笙簧七盘曲赴纷浩倡左右起舞茱萸裳檐檐绮态游龙骧中庖丰膳进牛羊佳醴湛湛泛华觴良人欣欣方乐康罗敷辞竟声弥扬置筐再拜申礼防人生伉俪各有当使君一向不自量蚕饥妾欲归洞房五马勿复从彷徨

题江山杰阁图

我生不识黄鹤楼未向滕王阁上游南昌武昌空梦想安得醉倚雕栏秋画中楼阁知何处我欲凌风试飞去西山雨挟南浦云鸚鵡洲连汉阳树手招仙人王子乔吹笙归来共逍遥缑山防鳳縹难见华落瑶池王母桃人生百歲真如寄何乃长年苦匏系流光一去岂复来湏趁青春寻赏事楚江迢迢带楚山危楼杰阁江山间飘然乘兴穷跻攀何湏镕鍊大药延红颜

听鹤轩

黄鹤楼头鹤飞去辽东白鹤知何处何如结屋鳳城西坐听鹤声来玉宇玉宇澄清玉镜明戛然孤响落青防天风吹入松底半夜秋生四座声窗中美人云霄士素被香绡寒熟睡惊迴一枕小游仙恍在丹山璫岛里丹山琼岛防云深山中珠树森成林珠林花开不知数花开处处皆仙禽何当飞弄瀛洲月听取长鸣山石裂归来一笑蟠桃春赤壁横江何足說

题赤城霞气卷

赤城嵯峨倚天起横絕海云三百里岚霏销尽霁霞明防翠荡摇青镜里绮华丹焰纷交流五色芙蓉綠水秋罗浮天姥何足数气压三山十二楼粉署仙郎赤城客石梁华顶亲游歷几迴梦入故山霞不知身在长安陌长安陌上早朝天日丽觚曙景鲜紫盖黄旗蔚防蒨龙光咫尺五云边鹄班侍立敷章奏花露沾衣凝竚久恍疑身上青云梯仰手瑶光攀北斗美子朱顏綠鬢时清朝际遇古来稀早竭丹心报明主赤城歲晚弄霞晖

赠鹤林周 初

鹤林先生紫烟客丰神秀朗双瞳碧早年学道逃人羣吳越名山遍游歷静中默悟天地真却归高卧桃花春河车姹女未腾化沧溟回首扬红尘丹书召入麒麟殿身被羽衣承燕见从此声华倾上都五侯七贵争迎饯西方神岳高崢嶸诏遣先生祠百灵道傍奔走二千石人讶真仙降玉京礼成俯伏拜大庭佩环拂地风泠泠四门闑开对黄道五云回防垂金城是时君王方穆清龙颜顾盼喜气生赐以石髓所和之大羹贾生前席何足荣罢朝上防陈悃诚臣愿乞身终素情纶音重降芙蓉阙特许先生返岩穴路出龙盘山外云帆开杨子江心月青鸾白凤飞参差仙之子兮缤纷而相随洞天防防兮千秋一时先生归去兮犹未迟丹防旧种金光草此际花叶方纷披悬知先生交搆功已成欲将身与元化并长生之术倘可授我愿相从阊苑行

湘竹箫歌为赵丹林赋

君家洞箫天下奇碎红乱防香淋漓浓如丹砂沁冰肌淡似猩血凝璫枝持来世人莫能识疑是秦王女儿之所贻几回吹向霜江晓皓月不明风悄悄一声卷入碧云中惊散飞鸿落天表君不见重华去兮归路遥二女泣向湘江皋江皋之竹竹间泪万古千年长不消我将挟君携此同上黄鹤楼醉弄一曲离鸾秋曲终飞度洞庭去试听苍梧猿夜愁

题扇和张文伯韵

洞庭绿涨波连天蒹葭露冷秋苍然酒船横放白鸥渚世间谁谓无神仙百年总是邯郸客岂必区区困形迹扬雄识字竟何成贾傅抱才曾受谪公生明世登天门日侍彤庭近五云平生本有江海趣长忆五湖沙鸟羣梦中濯纓歌未了药炉九转神丹早待公白首报君恩同采灵芝向瑶岛

乐亲堂

美人结佩朝明光俯伏丹陛陈封章高堂亲老乞就养恩赐儒官归故乡潮州南去几千里原田每每带桑梓到家开讲多闲时日日陞堂奉甘防山梁雉声鸣角角人生无如养亲乐

溪南小隱为孙叔瑜赋

我从天上归烟霞偶过溪南小隱家谿头昨夜雨新歇浦口水生浮钓槎十年江海狂游迹暂尔还乡反如客沙鸥野鸟忽相逢总是当年旧曾识明朝又欲去朝天身在龙楼鳳阁边回首溪南何处是夜深梦落洞庭船

东坡画竹为周仲辉题

眉山一代称文雄落笔往往凌长虹时将书法作画法墨花洒出皆神工一枝老干欺霜雪数叶脩脩更清絕俨如端笏立朝时余子纷纷莫能折至今防画精爽生恍疑玉局攀云輶诗成拜寫发长叹南山一带横空青

题竹根道人

早年曾作长安客游遍东城与南陌老来却秉歲寒心情与竹君相莫逆平生遇竹成丛留不异当年王子猷词人为作竹根传饱食渭川千畝秋迺来归卧吳山从白髮萧萧心不朽兴酣按节竹间歌却笑吳兴馋太守

白云窝

君家昔在吳山住俗客长年少来去我因登眺远相寻直到白云最深处怜君所寓多清幽云为防榭雪为楼但解此身居混沌不知人世换春秋采药云随身读易云依座闲到白云吟醉拥白云卧石鼎茶香午梦回白云犹自未曾开柳絮一天风不卷梨花万树月初来莫论柳絮风难比梨花月容易飘零容易缺何如白白山中云晨夕相防自怡悦自怡悦人谁知白云本与无心期飘然辞云下山去佩琴携鹤游京师寄迹京师逾十载白云缥缈长不改济人未了竟忘归故山猿鹤应相待我去君来二十春今朝那复又逢君何时共买东风棹相与还山访白云

春晓美人图

梨花埭上鸡鸣早十二瑤楼天乍晓东风不动綠杨丝云母窗空春悄悄银屏复帐掩蛟绡遮断蓬山海路遥鬢乱钗横双鳳驪玻璃枕上不胜娇谁将鸚鵡偷调弄惊散瑤防合欢梦金盘仙掌日华高小苑花枝露痕重小玉薰残苏合香临鸾先学理新妆合欢欲起愁无力满院綠陰春昼长

送人还江西

清江水浸芙蓉花君来别我将还家知君家在临川住十载从宦游京华职居宗正掌清近亲见玉牒滋仙葩圣恩如天浩无际特赐休老寻烟霞都门祖饯拥冠盖有琴在囊书在车到家山水想依旧西风落木秋更佳晓窗一枕梦初破忘却防鼓趋晨衙山田霜降稻新刈晴溪水涸鱼堪义陶然醉卧菊篱下人生此乐真无涯二防荣归难独美朝野叹美良非夸惭余未遂报明主敢忆五湖垂钓槎赋诗赠君西别去侧身东望空长嗟

题山水小景

往年曾到西湖曲雨后西山翠新沐苏公堤上柳枝青苏小门前芳草綠画船摇曳向湖中载得鸳鸯浦口风春去春来知几度总将心事付残红客窗见画成今昔湖水湖山浑咫尺何当

重费买花钱载酒六桥寻古迹

题周昉折花仕女图为刘士宾赋

阳防雨过朝慵起翠撒云鬟倦妆洗东君昨夜送韶光春在花枝娇旖旎暖香暗袭红霞绡沁入玉纖温不消麝脐龙脑避芳馥金鸭沈檀皆罢烧含情欲与花神説为诉芳心愁万结莫教零落五更风蝶粉蜂黄共消歇

赠道士呉 覽

鹤斋先生鹤上仙与余曾逢东海边手持昆冈緑玉杖袖有金匱青霞编谓余不是红尘客前度名当在仙籍夜防抵掌论长生笑指东方晓光白尔后飘然各解分茫茫回首不相闻先生遍游五岳去余亦还山卧白云此来忽遇呉贞节昔事先生受真诀借问先生今在不太清之上朝仙阙仙阙深沈隔九闕珠楼璫宇倚高寒中有仙人不知数月为环佩云为冠蟠桃花发春漫漫人世千年如等闲我将灭迹栖名山交搆精魄营神丹天倾而后凋朱顔坐视桑田成海湏臾间

题澄江韩氏弥性堂卷

芙蓉城里花如簇况有澄江秋水緑花间茅屋是君家门外萦廻江一曲长年自与世情疎何异柴桑处士居竹粉晴飘围罢局芸香昼染读残书我曾放迹澄江上水墅山邨遍游赏如何未解识君家往事茫茫空怅快君家令子仙闾郎我忝濡毫直玉堂侍宴每联金屋坐退朝常接玉墀行几番论旧相留恋彷彿澄江眼中见令人飞梦落江南满座秋光净如练披图索我为题诗老去空惭藻思非勉率为君歌此曲恍然疑接谢元晖

题烟江叠嶂图

劒闕平削千山开势掩巴蜀何雄哉蛟飞鳳舞互争秀中有一道长江来昔年鼎足曾分峙惨淡风云屯伯气邓艾功勲夸一时武侯忠义垂千世只今天地皆清宁蜀江水緑山青青渔舟一叶三峡口行人酺酒登夷陵我生踪迹留南国未遂西游到荆益何当鼓棹泝瞿塘锦官城里防山色

为侯主簿题羣玉轩

使君自是玉雪姿出宰百里逢清时手栽江梅绕公馆天寒歳晚花盈枝我从天上归林谷素我挥毫赋羣玉何郎才思已非前空忆扬州梦难续亲记承恩从翠华频过小苑晓防花玉堂雪霁东风冷千树璫瑶发素葩宫壶酒醒疎钟起身在蓬莱仙岛里旋卷青绶披素裘笔端诗成如振绮披图便欲赋长歌抚卷其如羣玉何凭谁唤取双青鸟听我吟翻瀚海波

孟母断机图为练母沈夫人壽

匹练不易成纷绪不易治如何孟氏母剪断机中丝机中丝断犹可理覆簣成山宁可止子贤
着德炳日星母教垂名耀青史练坝伯仲纯孝资蚤年英拔非凡儿趋庭既承严父训慈闱化
导犹孜孜隆冬盛暑功弗间灯窗常听乌翻枝突然已弁思报德寸草难答三春晖千年桃实
瑶池后酒进三觴乐初奏手持孟母断机图拜向亲前祝亲壽双亲鹤髮皓垂肩兰玉参差争
秀妍自言儿虽匪敢窥前哲母氏特比孟母贤儿容既婉母顏悦庭户蔼蔼春风边我闻百行
孝居首坝孝于今信希有袖怀三橘奉亲尝卧获双鱼适亲口岂如比亲古贤母坝也爱亲心
更厚独怜防衣游未归王孙芳草几萋萋其版輿每御高堂上空对画图思见儿庭前幸有孙枝
茂买肉食之须此时防待陈情能奉表我当重赋断机诗

题王仲远东郭草堂

百花洲上花全落綠水逶迤带烟郭郭东茅舍是君家千顷湖光秋寂寞长年无事揜闲扉欲
远人间是与非西望吳时旧防榭绮罗空逐防云飞白苹波上凉风起菰米炊香莼菜美沿月
乘流几忘还钓船横放芦花里知君与世渐忘情不羨金门大隱名我欲敲门一相访沧浪同
泛濯尘纓

风竹二首

此君曾向琐闥防金茎露洗青琅玕故山近日重相对凉雨新收香粉坠一枝潇洒画图中寫
得江南叶叶风明朝何处重相遇紫阁深沈翠雾笼宣和内家称画竹文苏响断谁能续后有
房山与薊邱笔端寫尽潇湘玉君家此本属何人一竿独立淇川麓凜然节操凌冰霜歲晚佳
人在空谷天寒彩鳳不来栖日暮烦谁伴贞独

题谢孔昭画天池石壁

层峯秀拔秋云端叠石乱锁青巘岼土花半削太古色碧池荡漾清流寒中吳胜境当第一虎
阜灵岩本非敌惜哉未经韦白题数百年来閤竒迹我家相去十里余春游秋赏无时虚庐山
天姥著名从当与伯仲称輿图东山遗裔丹青客海内仙踪在胷臆兴来落笔妙入神满纸纵
横列泉石谁能为我唤取五湖船一夜飞度穹窿巔仰窺天關叩石鼓惊起万壑松风泉

林霏轩

忆昔放舟苕霅间青鞋竹杖登弁山山春日霁晓光薄巫女綠湿双螺鬟深林无处覓僧寺衣
上纷纷带空翠却寻樵路到樵家彷彿潇湘问山市十年高卧吳山秋每防烟霏散复收东南
佳趣满胷臆人生何必穷仙游自从候曙朝金殿天上神仙几亲见龙楼鳳閣防云中紫盖黄
旗蔚防蒨山人忽寄林霏图轩居冷防青扶疎层陰浓黛数千顷清润逼帘秋气虚翻然便欲
动幽兴独抱瑶琴访萝迳同是烟霞社里人相逢不必通名姓时清未敢归林峦吳弁羣山空

画翰满目晴光春欲染 緘诗先和松风寒

云门山水图

我昔探禹穴尝登秦望山白云横秀色半落青巘岵山高云深缈空旷势拔海天山万丈赤城霞气石梁虹昏旦綈緼各殊状便欲因之上天台飞度弱水登蓬莱芙蓉削出海光里緑波荡漾金银防山重重兮苍翠云溶溶兮昭回素娥玉童两两追随翠鸾紫鳳双双徘徊丹崖碧磴悬寥廓我将从之路绵邈翩然兴尽思归来至今犹忆仙家乐秋风叶落春花飞俯仰清游今是非美人示我缣素轴顿觉满日生清辉山青云白宛如昨贺家宅临湖水湄日长草阁门不掩有客放舟来问奇自从金闺预通借晓振珂佩趋彤墀公堂退食时展玩清梦几度生耶溪嗟予谬陪青琐闥与子出处同襟期云山本有平生趣顾余菲质叨恩私寸心报国倘能遂却跨白鹿登丹梯

题金山寺

长江万里从西来直走东海何雄哉金山涌出浪花里近对北固青崔嵬我尝放舟京口宿拟叩山门快遐瞩平明潮涨催鲜维水影山光空满目住山开士江海人卓锡栖禅今几春迩来膺召游上国校讐秘閣从词臣退朝迎我维摩室手啓琅函展湘帙青宫少师希世才满纸纵横挥防笔恍然置我金银宫昙华乱落江天风妙高防上月轮转海门日照扶桑红便欲因之访三岛侧身飞度东溟晓三山弱水一杯中俯瞰齐州拳石小自慙凡骨非仙姿江山咫尺成天涯飘纓忝入青琐闥昼长独坐劳相思何当洒翰巉岩壁剥薜题名纪游歴狂歌起唤骑鲸仙我亦瀛波钓鳌客

题神骏图

侯家枌上拳毛騧奇纹五色明春霞天生神骏非凡骨不数霍家狮子花昔年初出秦川道饱食秦原汉陵早昂头振鬣一长鸣惊散秋鸿落天表曾随博战雪山西南海霜风入玉蹄剑外已销狐兔迹归来穩步上沙堤雕鞍金勒青丝辔频从长杨猎廻骑娇嘶紫陌软尘轻弄影鳳城春日丽侯家勲业比山河万古千春永不磨通借金门青琐里常骑神骏振鸣珂

贞节堂

良人死作战场鬼赖有两儿犹可倚抱儿啼泣背灯光游魂不归秋夜长当时罗衾香未防綉帟亦有鸳鸯结妇人无夫若风烛纵欲重施为谁设儿今成人妾守志太守封章旌节义良人精爽亦有知妾身虽亡复何愧

题【阙】

隋家二世厌袞衣不御丹宸朝华夷汴水东流三百里行宫夹道花离离交刀剪落鸳鸯绮高

展牙樯照江水承恩侍从千蛾眉深锁洞房娇不起九华帐里醉浓香回首烽烟暗晋阳花月歌防花落尽空城秋雨青芜荒

题邱园旧隱图

亚卿昔作桐江客拟向邱园终隱迹严陵滩上富春山烟水林泉已成癖中天午夜客星明遂别云萝谒紫京玉殿含香频入奏仙闈视草从题名承恩出赞滇阳治万里山川归揽轡千重鸟道入云端一派江流落天际却思高卧在家乡小檻闲 六月凉明月到时松影转晚风生处藕花香知君已受西南托莫恋东州旧行乐须待功成报圣明濯纓重问沧浪约

题画

春林一雨花成泥万丝深处残莺啼舍南舍北水涨溪出门有马不可骑千岩万壑烟雾迷近山一带横峨眉湏臾开霁朝日晞青嶂突出临溪湄宛如故旧从别离邂逅忽见皆忘机长松脩竹交凝晖空翠蔼蔼湿不飞萝 寥寥春昼迟蕙帐梦熟眠多时北山有文宁用移买山岂假襄阳贄客来莫怪衡门低并讶花径深逶迤芊芊芳草剪碧齐自是辙迹长年稀画中人物知为谁高尚当出晋义熙抱琴载酒将安之飘然不受尘鞅縻我辞渔钓游京师秋风卷空旧茅茨五湖买艇复奚疑行须早听關门鸡返怀荣沾雨露私青鞵徒忆寻山蹊林泉故人倘念我它年别订瑶华期

青城山人集卷三

明王燧撰

七言古诗

送郑御史金宪四川

郑君夙抱青云志十载未能施利器束书曾向西南游汉蜀山川归揽辔名藩大府帑郊迎肯屈大材从小试下帙涵润百氏言闭户研究六经义胸中蕴蓄既汪洋笔底文词转滂沛长风骤疾挂高防峻坂崎岖奔逸骥潜渊神彩竟难藏冲斗虹光终莫閤我皇嗣位握干符诏遣轺车求俊乂幡然远应荐章来阙下才华推贾谊玉堂编纂列羣英金匱抽书发中秘嘉谟盛训与讨论圣德神功烦载纪词林本自号神仙象服矧兼金多贵编成上献黼座前宝匣封緘贍永世内帑盘花文绮段仪曹奉勅亲颁赐金章紫诰出九重全蜀黎民付專治手持宪节望剑關一路风霜变凄厉亲知送别登凤台四座喧呼增意气嗟予识君虽恨迟每读雄文如旧契人生相知良独难浮世佳逢亦非易樽前兴发酒再沽橐内金空衣可质志士谁当严鞫勒丈夫不用多轩轻长歌赠君情奈何苦节水霜劝君励

古砖篆文歌

洪武某年范阳卢公武氏尝过予城南旧居道出僧坊见甃壁古砖上有篆文隱起势甚奇伟公武欲求得之时僧涂堊方毕饰吝损坏弗肯予今年余复见之因抉壁豪取而公武歿已数载遂归于公武犹子次农并作歌纪焉夫此砖不知绵歷几千百年始获发于公武今公武歿又数载不为它人持去而余获归于次农是岂物之遇有其时抑亦世之好事者恒鲜得耶今年寔洪武丁卯也

范阳卢君好奇古罗网前闻用心苦荒岩穷泽遍探求断画残钩总裒聚昔过僧宇见陶甃上隱遗书可瞻覩斑痕不假琢石磨缺角宁烦炼金补剥苔剗藓试研寻浣土涤尘细摩拊未知纖悉无舛讹已觉纵横合规矩疑从盆缶窥禹鼎似向萑蒲获荆梏世遠那能究源委纹完尚可推编部诡形转折龙盘拏逸态飞腾凤騫舞整如康衢驾列駟踞若高冈蹲怒虎气吞鄢郢练三千价陋咸阳城十五蛇奔虺走莫徒夸剑拔弩张安足数范樵既不类臣斯体骨未应同诅楚恍驾孔壁得科斗真訝岐阳逢石鼓吁嗟篆法多变化惆悵简书趋莽卤不知此字谁挥洒欲与籀史争参伍緬想东吴称霸强曾闻季札聽韶濩一时文物岂无传千古字书当有祖后人自合重千金故物不宜充百堵拟令仆夫遂携挟无奈主僧犹吝予中心往来累暮朝纏次周流更子午我昨重来经旧地卢君已歿归荒土壁傾僧去物幸存水濯雨淋文不蠹巴夷那识贵阳春瓠貉由来贱章甫世无博雅同赏鉴独发长吁为收取终然雄剑起丰城毕竟明珠还合浦可怜卢君难复生赖有阮咸能嗣武尝临沧海眺三韩曾入青徐吊梁父篋里富储金石錄胷中宏辟图书府愿言持送归宝藏请共知音辨鱼鲁

白鹤山房

白鹤何年过海东翩然飞落山之中只今鹤去几千载惟有青山镇长在青山长在人民非白鹤何如竟不归美人结屋山中住朝对林霏暮岩雨它日松窗短梦惊山中应有鹤来鸣

重题

我从天上归重到白鹤山青山宛如昔白鹤何时还白鹤不还那足惜美人一去长相隔茫茫瘴岭数千重怅望旅魂归不得我欲临风歌大招楚云湘水不胜遥相思有泪知多少地老天荒恨未消

潘宅菖蒲歌用谢叠山先生韵

潘夫子辞雄成好山入座双眸青一拳特立太古上影落万丈之圆灵幽蒲叶绿弄晴旭劲节默与吾心盟长飏卷沙云脚断臞臞藓啗天无情孤花 识者少不与俗物同条生波心蟠根五蹙缩直气射日凌沧瀛斜拖玉杖乘风行目击意防忘其形崧高仙人在何许齐州九防烟空横长林云散月皎皎密树露滴天防防乃知造物有深巧笑谈彷彿成珠庭清香一吸九窍洁饱德不使饥肠鸣窻间娟娟晓凝翠耳畔簌防寒流声我闻长生有奇术便宜寡欲遗尘纓我婴旧感浪作赋种鱼细事空传经何如白头梅子贞饮芳嚼秀三千龄眇观寰海一杯小半夜梦落青云城我言虽狂有至理世人闻此猜而惊潘夫子心和平肤腴貌古神尤清逍遥谷中住未夕药囊到处留余馨潘夫子不可轻江山一揽万里足孰谓智者无完名

山月轩

九山有月明如镜月色山光互辉映君家故业隱山中几度独吟秋夜静夜静山谷月倍明防山对月有余情一轮艳彩河边树数防螺鬟天际青自从来作京华客何处却看山月色凤凰台下晚春时石头城畔凉秋夕新月还同旧月华故山回首是天涯但喜人生逢赏事那知明月落谁家知君名纪神仙阙桂子含香待攀折行看直舍竚花陰未许还山重对月

题采菱图

湖南风信起湖北浪花多欲唱采莲曲翻成采菱歌采菱歌断汀州暮何处却寻归去路谁摇兰艇笑相迎灯火遥生白苹渡

苕溪余旧所经游秋高气凄风清水落遠近渔歌更唱互荅舟行沿洄恍若世外别来不知几寒暑矣中吳徐希孟携谢孔昭所临松雪翁采菱图索诗为作吳歌题其上不能不动江南之思也吳人王汝玉书于玉堂京署时永乐己丑上巳日也

送张文琮之官新城

先生家本东州住蚤歲才名人共许十年再易广文韁两邑英才沾化雨忽报慈亲与世违高堂洒泪脱斑衣宿草荒原零露夕寸心方忆报春晖征书遥自天边降野鹤闲猿徒怅望待漏初趋金马门看花还入乌衣巷相逢共向凤城春正值青青柳色新长干道上春衫薄卓女垆头綠酒醇君将出宰新城去送别城陰遇朝雨座中唱彻渭城歌江草江花总愁绪论交何必须故人昔闻倾蓋即情亲为君暂馆离防住我有中心欲具陈知君本是岩廊器下邑割鸡才小试中朝藻鉴岂终遗行见青云当立致闻说新城建昌近来民物颇凋伤更欲烦君下车日好将寬政恤逃亡

瑶瑟怨

多情莫学泽中兰有恨莫为江上莲兰心守死心不改莲根折断丝犹牵君不见天荒地老皆如此千古湘娥怨湘水至今血泪洒丛篁防防香含露痕紫涔阳西望烟凄凄鷓鴣飞入烟中啼苍梧波杳彩云灭万里孤光秋月迷西风北渚苹花白归梦未知身是客夜弹瑶瑟渡江来九疑翠黛浓如滴

雷雨防嬰图

雷凭凭雨溟溟母抱儿中野行母心苦儿心惊掩儿耳令勿聽东西四顾屡屏营人生至爱天所生胡为武才人独无母子情

雪洲图为江陰夏叔度赋今其孙珙珍藏于家

江云漫漫天漠漠冻云着风吹不薄巫娥翠失十二鬟春花乱零飞雪落千山万山削瑶瑤瀛洲路近芙蓉城仙人白凤望不到满前琪树纷纵横树根谁坐蘼庐底寒衾布袍僵不起此时清兴与谁同惟有骑驴暗香里

九竹轩为侍讲曾棨作

君家种得青琅玕森然挺立凌云端默符阳刚协干德欲与主人同歲寒向时分根自何所有客移送来仙坛时君新魁龙虎榜甲第初赐临长干侵晨结佩谒青琐薄暮入直趋金銮夙心虽与此君契何暇问信求平安一朝春雷动土脉锦防斑斓香粉干大廷奏简退日早归来却对青檀栾苍龙乱落望无际翟葆高擎知几竿蹇飞或为鸾凤舞夭矫忽作蛟龙蟠还疑玉井花乱发更讶羽林枪列攢胡为满十仍损一数不成偶竒相防将同箕畴昔垂范还似虞廷掌命官宁非天道忌盈盛示君此理戒其完嗟彼佳人在空谷天寒日暮徒长叹君今高名遍海宇日侍清问班鸳鸾纷纶屡草九重诏民物乐育皇恩寬箫韶已成兽率舞夷蛮成贡民均欢劝君冰霜节益励垂辉青简终不刊我歌九竹歌未止天风满林江月团

和高季迪将进酒

君不见云中月清光乍圆还又缺又不见枝上花容华不久落尘沙一生一死人皆有绿鬓朱颜岂能久樽前但使酒如渑肘后何须印悬斗咸阳黄犬叹已迟至今千载令人嗤请看古来功业士何如陌上游冶儿百年飏忽寄宇内日日欢游能几岁劝君莫惜囊中金但趁生前常买醉临邛垆头绿蚁香柳花卷雪春茫茫吴姬越女邀相向痛饮须尽三千觞兴来狂笑纵所适慎勿畏它权贵客东风吹落头上巾此日独醒端可惜一朝绮罗生网尘妆楼空锁青娥人酒星不照九泉下孤鸟自啼山花春解我金貂脱君素裘白日既没秉烛遨游君为我舞我为君歌调舞相合其如乐何

题李龙眠写山庄图

青山万叠高侵天绿阴千顷晴 烟巨灵倒挽银河水泻作百丈飞来泉蓬莱三岛不可往江南山水称龙眠龙眠高人李居士前身列籍瑶台仙胷中浩荡有奇气眼底恍忽无尘绿同时二友总佳士炯如芙蓉出澄涟山中一经理后至今草木增清妍百年对画起遐想风流文采俱依然辛夷花开木兰发宛如王维家辋川我生素抱林泉趣每因匏系恒自怜还来繆掌秘阁籍遍阅图画穷幽 洞天福地似曾识不用谢屐劳扳援

皆山轩为吴太仆赋

滁阳绕郭皆名山丹崖翠壁交廻环西南诸峯更奇绝平地耸出青螺鬟美人开轩游息处况占绿水清溪湾山川明秀风景淑别是洞府非尘寰久居太仆掌马政屡听黄鸟春绵蛮秉心深沈功效着声誉借借闻朝班江淮地方数千里但在野蕃驹马中骅骝骐驎不知万富盛岂止充天闲公余多暇得自适凭轩萧索恒怡颜卷帘忽惊空翠堕拄笏正值孤云还松梢结巢来皓鹤竹下放笼开白鹇悠然俯仰足佳趣胷中安得生荆菅青编缥轴列左右云端五色光斓爚诗情画思时涌发清气奕奕冲巾纶天然造化露毫素野花芳草慙妖 追寻醉翁吟笑地想像高致无由攀山僧智仙去已远酿泉声迸空潺湲穿林度壑覓陈迹屐齿印遍苔痕斑乃知美宦有如此底须投笔逾玉闕嗟予亦抱烟霞癖孤琴乘兴良非难十年不渡扬子险诘识闕岭行程艰菲才繆忝青琐直日事文墨多裁删佳殽丰膳叨饱饫法醢名果加分颁坐忘寒暑屡迁改临江枫叶霜频殷人生托身各有所造物于我谁云慳晴窗偶卧游兴消我半日浮生闲琅琊尽入行乐里胜境不用虞神奸长歌一曲远缄寄不觉新月娥眉弯山灵好事应有识请置万壑千岩间露凉夜永烦朗诵激起天籁秋珊珊

紫云书舍

大江之东紫云山平地拔出高防岼晨光霁色蔚葱蒨五彩照耀青 端之子当年读书处正近紫云山下住长时频见紫云生终日无心自来去一从捧檄脱荷衣落月空斋屡梦归遥忆青山紫云里绿萝应长旧岩扉知子平生抱材器致身合在青云际莫将心恋紫云山当展忠贞报明世

题梅花

雪花飞度西湖来东风吹上孤山梅林逋宅前春信早北枝乱吐南枝开我昔扶筇六桥路看花几度曾延竚从教寒透素貂裘行徧瑶英最深处江湖旧游三十年綠樽空负看花緣休文巧思夺天造一枝香玉横吳笺南湖佳士烟霞伴斋閣高悬供适玩持来索我赋梨云恍惚花神照挥翰翩然唤醒花前盟总是江空歲晚情欲挟飞仙花下去莫教玉笛弄新声

八骏图

房星光射荣河水化作神驹古无比良工何处运精思八匹飞来防毫里血沟流迸皆頽霞一蹴将穷金母家气吞唐廐照夜白岂数郭家狮子花时清不假长驱力立伏退还春日直桃花浪暖芳草青圉人初解黄金勒腾骧卧浴得自由笑彼霜劲沙场秋伯乐经过若窥见乃知世有真骅骝韦庵亦抱支遁癖长恐良才终伏枥按图索骏有余情恍忆龙池飞霹雳我当唤起曹韩徒绘昔华山归马图更招能赋杜陵老高歌击折红珊瑚

又

昔闻穆王有八骏四海蹴踏风云起瑶池看遍蟠桃花归路日行三百里如何朝下浴晴川不控金羈脱锦鞵春草欲齐青被野浪花新涨綠浮天良工凝思邈真种气势翩翩兀森耸岂独丹青防抹神定知星宿光芒动五色照耀连钱文非止能空冀北羣题诗愧乏少陵善画后不见曹将军刘公宝之当什袭还似千金买骏骨晴窗展对想奔驰风卷江云山月出

河清应制

黄河一道来青天发自葱岭通于閼沙行石触走千里下合众水成奔川龙门昔经神禹凿六丁斧痕犹岸防瑶池几度桃花春昼夜浊流长喷薄我皇乘龙秉乾纲翕张元化陶八荒飞潜动植献嘉应皇天后地开祯祥禹渡东西路迢递一夕河神启灵秘怒涛帖妥风不惊澄漪茫茫皓无际恍疑银汉悬高秋更似瑶岛连瀛洲广寒宫殿防云里俯瞰三山十二楼姬周沈璧荧光吐宫筑宣房思汉武当时青简夸神奇试较于今何足数小臣作诗颂河清愿播弦管配咸英传之三万六千载圣子神孙长纘承

苏台柳送人还越中

姑苏台前杨柳枝万缕千条拂地垂江南八月秋光暮忽逢归客苏台路归客新从江背来金鞍暂解憩苏台苏台杨柳犹堪折相送归程到东越东越迢迢路尚多离懷别思将如何请君共醉台前酒聽我新翻杨柳歌杨柳歌残声可怜却忆苏台全盛年苏台全盛今衰改唯有台前杨柳在台前杨柳最娉婷荡日摇风无限情昔时綠带防驰道今日长条拂古城古城下瞰百卷洲洲上别君令我愁别后相逢在何日明年台上柳丝柔

周公进旅獒图

皇姬后周翦大商明堂南面垂衣裳繫彼西旅宅金方祇贡厥獒四尺强能搏猛兽毙封狼彼韩泊卢乌敢当太保公爽陈典常不宝逯物迹乃康所宝惟贤邦则昌丹青谁为图厥状表周鸿化垂无疆永贻训戒示后王毋肆外欲从禽荒

歌风台送刘克让先生之沛县邑庠

高防峥嵘凌空开下瞰丰沛何雄哉羣山蜿蜒起东北猛势飞度青徐来芒砀前临如却据行人犹指龙潜处只今龙去三千霜汉家事业烟苍苍山东日落海天濶大风自起云飞扬沛中故迹今如此惟有高台未倾圯送君去兮空浩歌江南三月春色过姑苏台前一杯酒落花漫漫芳草多渡江水远山蹉跎它时相思情奈何情奈何将焉歇君当忆我姑苏之夕阳我当望君歌风之明月緘书共达长淮流两地因之慰离别

题张溪云画竹

唐人画竹推絶伦辋川真为竹寫神笔端抽出钩锁法片片剪落湘云春澄清亦得此君意金错刀成世争贵数叶萧疎玉一枝凤毛龙角夸雄丽张君画竹何人传落墨往往宗辋川佳人天寒翠袖薄满堂飒飒生风烟平生跌宕不羈迹尤与此君情莫逆大娘劒器张颠书奇妙自与常人殊兴来大叫数纸尽赤手探得骊龙珠君今骑鲸蹶云衢百年真迹絶世无尔从何处得此图重价自合倾名都我来为尔赋长句诗成总是江南趣醉挥如意按节歌不知击折珊瑚树

题修竹美人图

兰膏香膩盘云緑愁锁春山黛痕蹙天寒日暮悄无言翠袖盈盈倚修竹修竹无心亦有情竹花结实珠繁紫秦楼人去防鸾杳湘江种得相思成相思有种何时歇竹上年年怨离别千古魂消怨不消泪红染成鸳鸯血

题梅庄卷

我家呉山羣玉坞千林雪霁花难数几回聴彻青鸟啼春在南枝北枝吐冲寒载酒花间游漠漠梨云烂不收暗香疎影发诗思还如何逊在扬州别来倏忽流光改夙昔闲情竟何在美人家有梅花庄十里素香春蔼蔼九龙山下三泖东浑似西湖水月中市上红尘飞不到玉妃别下广寒宫归心便趁东风起飞度湖山万花里狂歌唤取缟衣仙兴卷呉淞半江水青灯照我客舍寒归计其如行路难花前胜赏仍负却坐惜春深香粉残人生百歳浑如寄还省旧游怜久弃题诗为赠梅庄人目极瑶英缈天际

白云窝

道人昔隱呉山麓檐下常留白云宿道人今住钟山西半欄思借白云栖呉山钟山相对起江

水江花三百里多情惟有故山云长日氤氲落窻几窻几白云看渐多道人身在白云窝兴来击碎鉢如意翻作青天白日起青天云起知多少笑指蓬莱山石小沧溟弱水一杯中咫尺扶桑海光晓我生本是无心人叨入青琐陪朝绅平生无限江海趣白云常与情相亲偶来假榻云窻卧满屋白云寒欲堕横江孤鹤一声秋枕上黄粮忽惊破

赠赵丹林先生

晋唐以来善画者北苑神妙超古今咸英韶舞既兴作世间凡乐皆哇淫丹林赵君抱画癖毫端仿佛窥其室匡庐南走控祝融泰岱东撑压溟渤兴来信手势若飞帆嶺纵横满高壁自从携家隱五湖葛巾芒屨倂樵渔或时落筆益奇絕往往探夺彌龙珠江南巨室争购得一纸不惜千缗储君今冉冉迫垂老君画从兹愈当宝我有素缣雪花皎烦君精意一挥扫回取商岩貌惟肖明廷恐欲求师保

谢故人送炭

歲云暮矣天荒凉北风萧飒号枯桑天工衒术逞奇巧剪冰作花散下方空斋有客羸且病正襟危坐冻欲僵地炉无火灰亦冷双足刺若触剑铓故人相爱意殊厚凌晨投以炭二筐瘦形挺然状鸡骨尚带栳塢秋烟香便如暗室正欲覩忽向目前逢夜光施敲石火自吹燎 觉羣陰皆遁藏须臾血脉始和畅渐久神气皆扬扬信知此物功不细能使阳德随昭彰吾闻冬至子之半泰道从此当开阳今年天心亦何事乃遣沴气妨时暘緘诗报谢有深感梅花几日开春香

题高峰读书处

高峰巉岩凌紫烟下有江水连青天美人隱迹山水里闭户读书经十年古今成败归穷讨万事浮云皆草草志趣思同野鹤闲襟懷欲与秋天杳戈戈束帛下丘园拂曙来登金马门一官小试职巡邏公署独临湖上村水光掩映山光冷鸡犬不鸣墟落静卷帘独坐漫长吟起看花陰转虚迳緬懷当日读书时空忆王孙芳草诗寄语山中旧泉石沧州别有歲寒期

懷云图

九疑之山多白云游子望云长忆亲亲亲迢迢几千里目断西风愁綠苹斑竹岗连故乡路天涯遥指云飞处空山秋深霜露寒落叶萧萧垄头树垄树叶落春还生人生一去如流星百年抱恨不能尽精卫空欲填沧溟何当寄语洞庭湖上风为尔扫却行云空楚天一碧望无际防衣梦舞春花中

望云思亲图

神京望弋阳苍山二千里游子思严亲遥瞻白云起白云飞来上青天倏忽变化长风前朝随

五老峯头雨莫带香炉顶上烟尔家迢迢白云下别来几见流光谢常将一片思归心飞逐孤云落亲舍知尔青年才思丰置身况在栢台中好从云去为甘泽忠孝兼全比狄公

奉和御制塔影诗

金仙设教传人间法王阐化抽 闕遂看灵谷是灵鹫还指东山为雪山钟声晓逐湖声起江月芒寒天似水 敷大法起秋毫弥满三千大千里昆仑之水决黄河滔滔一派东流波人生真源无滞碍何用平地生遮罗乌飞兔走朝还昧春去秋来递更代若能澄淨不生尘千古灵根镇长在世间何色与何空空色由来何异同岸上花开水邊影分明空色有无中谁言金石终成毁须信真空有真体东园卉木万般新独数姚黄并魏紫世人实解消羣惑析驥终然脱徽纆春风得意骋康衢长日遨遊趋乐国大漠羣山葱岭西法王曾此导沈迷只今谒帝到中土法雨洒出红玻瓈人喜迁乔出幽谷快披云雾瞻晴煜天风吹送天花来万壑千岩总芬馥紫霄复见发神光祥云五色连苍茫金莲花开遍古栢宝塔倒影来长廊回望凤城才咫尺都人瞻仰无晨夕倾心愿効鹿衔花毕竟顿忘驹过隙小臣幸预登香台周瞰玉宇消轻埃天书煌煌丽云汉龙鸾腾舞奎文开青山尽是烟霞绕玉树珠林相皎皎法王长贊太平年九重闾阖春初晓

送钟逊夫

我来故里翻成客邂逅逢君如旧识栖云精舍竹林中暂见仍分端可惜洞庭水落秋风惊汀洲白芷红兰生江头把酒送君别早潮催送仙舟轻明朝我欲辞家去呉云近接神京树苍龙阙下有佳期月转花枝同 曙

杨节妇吟

妇人托身夫与子有子无夫犹可倚杨家节妇当少年良人先亡复无嗣嫁时罗襦在篋中连枝尚有双芙蓉妾身未亡似余烬欲作时妆谁为容空闺孤灯三十载昔时緑髮秋霖改海波可枯山可亏妾身誓死不可移

端阳应制

九重闾阖开黄道香雨清尘润瑶草銮輿游幸凤城南锦绣江山胜蓬岛卿云流彩映紫清薰风绮树娇莺鸣花园禁籞肃万骑仰见金钺罗霓旌须臾中使传宣下特勅羣臣张大射酒如川涌肉如陵陈赏奚论万金价鴈翎矢逐神飈驰平分杨柳璫瑛枝防门蹉峨报毳度恍覩碧落流星飞鹓鸿斑列懽轂沸欣遇太平全盛世河清海晏天地宁紫塞丹崖皇化被京华五月逢佳辰万乘阅武行时巡文臣将士同愉乐康衢传播欢声新防臣躬感风云防况沐天恩降滂沛年年今日奉宸游圣寿长齐天万歳

题高士谦画竹

钱塘高君爱脩竹拄杖敲门看不足经营惨淡入胷中落笔纵横万竿玉昔年曾向大梁游曳裾王门经几秋淇园晴蓂数千顷兴来信手风萧飏白头老作京华客暑往寒来岁频易豪家僧舍总相迎到处画屏留墨迹夏官司马旧同乡牙籤玉轴图潇湘只今君乘黄鹤去此卷什袭归珍藏公署朝回频展对满堂冉冉生云气山雨飞遮鼓瑟祠江风吹碎凌空佩我昔寻君白玉堂檐花落尽青灯凉宛然屈指疑昨日自叹鬓影沾吴霜人生聚散有如此世间万事东流水古今回首在须臾何必溟波变桑梓我欲招君不可追芙蓉城里自芳菲倘思故国平生乐好逐岐山防风归

奉和御制诗

如来有法名圆觉圆觉由心不由学虚灵本体镇长存炯然独照羣昏烁烁尽羣昏烦恼无碧天湛湛秋皎如坐卧行藏皆自在澄波不种一葭芦灵山大义曾宣演了义何须语重转智者能通脱枯殻凡夫未达抽空璽纷纷世上醉梦身瞢瞢不知求正因羊肠九折问舟楫鲸涛万里寻车轮皇天命我圣天子普济羣迷敷治理八荒四裔总陶甄沈溺颠连悉扶起法王演教阐大成圆机慧性由三生竭来谒帝驻灵谷天籁皆为天乐穀 陈今古茫茫劫湏解夙生修净业自然骋驾上康衢脱却迷途山万叠都人向仰骈闾来只园复见琪花开恍疑手扳南斗柄身登十二瑤楼台又如亲覩释迦佛路入雪山高崑崙和风丽日浩无边五色神光互照燿黄金座上示尊严緑水芙蓉色相兼或时出定还入定莹然银海 霜蟾益知静默为真法文字徒厯辞霄霄青阳一夕到东园九土根荄悉萌甲真詮信不在支离试看腐草光差差神通变现皆至理天造地设非人为佛教陰能翊皇度众人快覩争披雾天书防赫粲云章侍从羣臣难继赋顿令山水皆清妍洞庭鉅野张钧天奎光煌煌同佛日照我皇明圣祚万万千千年

贈卜士罗景中

君平昔隱城都市曾闡先天開卦肆百錢一日足生涯獨坐焚香門靜閉一自仙游去不還清風千古洒人間姑蘇有客好沈靜術精 卜家閭闔春風花開秋葉落此身不受塵羈防已將心事付浮雲長日逍遙有余樂姑蘇前度盛豪華甲第連薨凌紫霞一朝事往人何在翻作尋常百姓家何如寂寞無拘系俯仰窮探得深意天心水面風月佳得失榮枯兩相弃

贈胡相士

平生素志在韋布躍馬食肉非我慕恭逢聖世拔羣才叨從時賢廓高步還從天上賦歸來偶遇胡生懷抱開知君已得唐舉術愧我元非蔡澤才

逢故人夜話

結髮未有【闕】托交盡才雄與君同戲賦曾謁蘭台宮滿堂總是青雲客一時聲聞凌烟虹寧知失志淪江海歲月無情不相待北游屈指幾人存鏡里朱顏暗銷改知君試宰古青州旋聞投綬歸林丘恍然客館見顏色疑是山陰雪夜舟相逢却憶少年日怒發上冲森似防黃金

百镒一旦空何事栖迟困朱墨兴来击剑鸛鹤舞平生心曾为君吐丈夫零落草芥间三尺儿童共睡侮狂谈极辩感慨多长夜迢迢未半过解貂难当吴姬酒其奈空斋明月何明月耿耿星参差银河倒挂天南陲与君且卧待明发欲济苍生犹未迟

书巴陵女子诗于文丞相诗后

襄阳城上降旗举回首烽烟昏鄂渚忠臣不独李洺州节义更有巴陵女巴陵女子魏公孙结发归向【阙】门南来故族多衰替唯有安阳家范存当时仓卒罹锋镝猛士雄夫犹丧色从容溅血写罗裙此志谁与巴陵敌宋家宗社三百年奸臣卖国真可怜安知杀身成仁者乃在银台宝镜前长江滚滚流沧海埋玉沈珠竟何在夜深月照海门秋当与巴陵并光彩后来青史知属谁名氏不共【阙】妻垂愿书文相哀愤什继录巴陵慷慨诗

送人复任

巴君抱志清以廉蚤岁苦学甘蠶盐复膺岁贡登太学晨立馆下恒恭谦年深拜官趋县幕北阙拜谢衣檐檐天恩浩荡不能报谁谓禄秩微且纡致官不改在闲操官舍有突或不炎家人从君告空乏君独不异终日恬竭来输漕拜丹陛民望返轍频东瞻复寻归路赴官所长江雨晴春水添太和回首在何处舟前翠黛庐峯尖邑人謠讴沙际老雉争立首皓黔君今惠爱有如此何必马駟车施檐宦途岂无显位者防窃鸡豚长不厌孰云毁誉无足畏名在士庶口用儉曾闻劲草挺风疾更想贞松凌岁严我謠赠君激末俗薄位岂得长相淹

送太学胡秀才

胡君家住淮河上力学养亲无外尚挺然自是不凡材选进岩廊待良匠俄从俊秀趋邑庠旋登胄监朝明光璞中良玉发温润匣底宝剑开锋芒大廷求士悬美禄小大毕收无弃逐长安衢路东复西贵戚权豪列华屋侯门投刺岂无媒独掩书帷生绿苔游情肆志究青简长使功名心似灰京华客游春复夏梦魂忽落孤云下飘然请谒赋还家拜命即行宁俟驾一杯相送凤台春落絮飞花江水滨同袍共惜仙舟远故里争看防服新人生出处何须计父母俱存真乐事渭城歌彻柳青青极目淮山烟际

鬪牛图

时雨新收芳草绿水田犁歇春畊足牧童高卧古树阴陇上闲牛自相触各争胜负气转雄不知为私还为公应笑当年挂书者误随李密游山东

阳春曲

鹧鸪啼断声沈沈十二楼前晴翠深海日初红镜中晓满窗杨柳生繁阴迟迟帘幕生罗绮帐暖流苏人未起九街珂佩已朝天梦魂犹在浓香里觉来忽闻长乐钟独倚朱栏春恨浓不知

昨夜东风急却恨满街花雨红

再奉和御制诗

天开图画烟霞间仰瞻闾阖虎豹闕如来法王驻幢节大启胜防同灵山黄旗紫盖茏葱起龙盘虎踞临江水花城近接凤城东金殿红楼碧霄里寶花座上辩悬河法海晴翻百丈波八极神王来拱防九天星斗共森罗敷扬至理开防昧陰翊皇纲转昭代信知随处即真如大道本来无定在世人惟识色非空未解根源空色同烈火自在清水底轻尘忽染寶光中遂将事物论成毁昧却无中有真体春来花卉满郊原眼界莫分红与紫百年贸贸成迷惑身世焉知脱徽纆幸逢圣主开太平玉帛梯航朝上国法王来自金天西 宣大法醒昏迷要令化雨沾庶类柳枝水贮青玻璃只今只园是灵谷祥云佳气常辉煜昙花飞堕半空来大地山川总芬馥时时法界出荣光照见原野晴茫茫又看宝塔现神影防翠焕发花间廊龙驾躬临天咫尺回銮每待西林夕河清海晏圣情欢长日从容多暇隙湛然止水澄灵台红莲不染秋江埃鸾腾凤舞御宸翰煌煌日月中天开揭之丈室龙光绕玉户琼窗相皎皎万年长镇法王居臣民永乐春台晓

送人归四明

四明开郡溟涛中地与欧越相交通更唐歷宋生息异民物实与诸华同南渡故族多依止文献往往存流风安知百年太平后楚涉作俑先羣雄海濱忽举烽火起城廓但见烟雾蒙当时海内久宁谧父老不识操戈弓出门相见共垂泣何异犬豕遭黑熊庙堂安坐共肉食谁肯谋虑殫贞忠偷安苟出一时算表请章服蓬萊宫朱温遂得拜使节侯景未几超上公遂令乐土成割据不复众水归朝宗时清送君还故里使我怀感心忡忡剩水残山定何似故家乔木应已空念昔东行曾到日郡中名胜多探穷湖心寺前秋月白曹娥江上春花红别来屈指三十载回首旧游难再逢逢君归去吊遗迹缄书为报西飞鸿

商贾行

扬州桥南有贾客船中居处无家宅生涯常在风波间名姓不登乡吏籍前年射利向蛮方往平行贩越海洋归来戴货不知数黄金绕身帛满箱小妇长干市中女能舞柘枝譟白苧生男学语未成音已教数钱还防楮陌头车轮声格格畊夫卖牛买商舶

为盛惟性题谢孔昭画山水

我本渔樵山水客半生放浪狂踪迹十年朝谒明光宫回首洞庭云雾隔几回飞步凤凰台大江茫茫万里来黄旗紫盖披天起王气葱笼五色开登临壮观快心目九防齐州烟雾簇千金不惜沽酒费自信平生心事足归来重覓洞庭游水光冷浸山光秋故人喜我天上至依旧忘机有白鸥行将结佩趋金阙分襟复与亲知别诗成写向画中看蓬岛三花不堪折

李龙眠山居图

羣山苍翠开云屏中有飞瀑悬青 綠陰深锁白日静千岩万壑花娉婷龙眠居士神仙客平生常着游山屐荒崖幽谷遍经行野鹤闲猿总相识百年人去空青山独留翰墨传世间画中三友如何即高躅那遠那能扳我生夙抱林泉癖家住吳家山水国十年游宦客京华回首五湖烟树隔晴窗对画归兴新綠萝飞花瑶草春我当招起龙眠友拂袖同为林下人

青城山人集卷四

明 王燧 撰

五言律诗

右掖门对雪

东阁暘初起西山雪尚凝
风沈金铎静云拥玉楼层
贾谊留宣室相如卧茂陵
自慙衰朽质进退两懷冰

送张孟经归松江

我昔客游处送君孤棹归
湖山想仍在故旧总言非
倾别酒新熟到家花未稀
吟情与离思相逐共依依

题贈鑿士吳彥才

旧梦吳门月新游上国
春居留琴作伴行有药随身
欲学壶中客还为物外人
自緣忘世累非欲事沈沦

送庐州驿丞

镇谿何处是淮水汴流间
有禄谁云薄居官每得闲
花藏公馆暗蘚入客亭斑
攷绩重临日长年饱看山

鸡鸣山见桂花

月殿谁曾种仙家别自栽
高秋万木落空谷一枝开
风隔林中度香从天上来
因思赋招隱愧乏小山才

送姚文静下第归省

数年游太学才冠鲁诸生
谁料还家日翻为失意行
春衣游上苑寒食别都城
且尽娛亲乐良材待晚成

寒江送别

结束辞亲去王程恐后期
河梁送行处江路变寒时
落月它乡梦孤云旧里思
及 当有代覲

省未应迟勤农轩为族兄德章赋时挈家居聊城

罢挟干时策因从垄上畊十年辞茂苑数口寄聊城故业桑麻在新居卉木成相望千里外徒此怆离情

万松图为华详叔题

夭矫万株松青山深几重将为高士搥不受大夫封风雨经秋夕冰霜逼岁冬后凋终自保桃李若为容

西斋独坐

余照忽西沈萝窗结暝阴幽情谁与晤孤思不能任松风发远响石漱苔清音感此怀良友因之托素琴

送徐一校书宰固城

江草缙芳辰江花艳晚春方为帝城客复送故乡人离思虽云惨官程自此新琴堂非小试要见俗还淳

为张仲照题秋野轩

城郭嚣尘远郊原爽气浮霜丹千树叶云白一天秋柳蟹螯初荐溪菰米乍收沧浪濯缨罢长揖谢公侯

同诸友七宝泉燕集

磴转青岩断泉归绿窦深撷芳遵磻曲列席就萝阴野迴寒云彻山昏夕照沈酒酣情未极延赏洽幽心

又

与子乖违后年华几度更宁知在兹夕忽复叙幽情山月含秋影风泉急远声相看吟坐久中抱有余清

送友人之官

春山春树绿相送去何之拜命辞朝日分符出守时花连渚宫暗潮泝楚江迟鼎郡雕零久疲氓借设施

送夏秀才赴征北幕

长剑辞亲爱将酬报国心家乡一骑发關路万重深旆卷迎边日笳鸣乱夕陰遥知征戍将开幕待陈琳

冬夜客馆懷王达善

幽斋人寂寂独坐抱相思正是离居夕况当迟暮时堦空寒叶响窻暝宿烟滋安得瑶华发山中踐素期

宿徐良夫宅留别

月中人语歇松子落空山高树风初向闲灯门半闔今宵暂同宿明发惆孤还别有重来兴溪陰莫雪间

题倪云林画

丛桂已消歇白云亦悠悠当时鸿山宅花落空林秋平生山水趣晚歲江湖游抚卷三叹息空遗晋风流

寄友

不见熙真久此心将奈何每因佳节换倍觉别愁多驻景功应熟居闲气转和无由睽夜榻清月照窻萝

又

寂寂重扉掩天秋夕气新风前初落叶灯下未眠人直道其如命无谋只任真忧心似衰草惟待发阳春

怡亲堂

务本承先业逃 事养真虽云各求志却喜共怡亲棣萼联芳日斑衣竞舞春我寻纯孝传端不愧前人

送俞纪善调宰鲁山

草章犹在篋花县去鸣琴旧擅声华重新沾恩例深崇文明主意惜别故人心分守长安道因风嗣德音

又

故人离别久忽见各开颜我老尘埃际君辞霄汉间全家三泖远百里一官间卓鲁留遗传高风凉可攀

送王以贞主簿亲老归养

圣朝推孝治之子去宁亲恋阙丹心切还家防服新山经秣陵晚门掩若溪春今古重荣养如君有几人

夜坐

牢落它乡客凄凉独夜魂残灯孤馆静斜月小窗昏苏子裘虽张仪舌尚存此生穷达事不必问乾坤

又

夜坐乡愁切灯前客影孤高天初上月羣树正啼乌漂泊更新节蹉跎困壮图此心独未朽匣内有陰符

挽邵处士

雅望推乡里清风播缙绅抱才犹未展赍志竟长沦兰邑溪堂静椒峯垄树新幽光当不泯钜笔勒贞珉

挽金洲吴处士

有士抱高节逍遥在林丘布衣轻组绶天爵傲公侯心逐闲云卷身随野鹤游何由歌楚些荐藻谒金洲

又

脱迹浮名外游心太古先一经传后似独行继前贤高致由泉石清风表墓阡行人徒仰止洒泪绿萝烟

送僧住京口万寿寺

京口千年寺长江独去僧旧名题万寿大法演三乘钟罢潮声续楼高蜃气腾金焦昔游处何日约同登

送倪尧明知沙县

沙县知何处闽中去路赊一官仍出宰千里复辞家瘴雨防榔叶晴风茉莉花愿君防薏苡白璧自无瑕

题锦江迎养诗卷

迎亲因美禄出宰得名邦防服临花县琴堂治锦江曾参端有并宓贱岂无双想见三年后民风尽变庞

送僧住灵岩

百花深处寺犹指旧呉宫事往人何在香消径已空今朝送师去兹地阐宗风别意兼乡思依依云树东

送赵广文赴任

胄监初投迹黉宫再调官行看新教洽莫叹旧羶寒闽路春将近都门雪乍残诸生迎拜日揖让杏花坛

送通政寺丞章有常使朝鲜

已受苏卿节还乘博望槎金章 伏纽紫诰凤盘花明主亲颁命藩臣敬拜嘉宁烦遣荀彘环海久为家

又

三韩輿地内四郡海涛边圣主思申命廷臣选独贤下情宜访度上德在敷宣莫爱千金剑将贻汉史传

又

玉节辞朝去楼船截海行天王颁正朔藩国荷恩荣鼇极云无际鸡鸣日已生邦人知礼分冠盖出郊迎

又

授节褒遐服临轩遣使臣忽衔明命重荣赐裘衣新鲸海寻封域龙江发去津凉风仙桂月翹首望车尘

又

茅土开封日符章镇国时朱防通汉使 牡奉殷祠狱讼邦人向宗祧世祚垂从今千万歳与国共无期

致思堂

果树皆初植琴书是昔遗先人存故物孝子致长思学礼趋庭日承欢舞防时此心 可尽徒咏蓼莪诗

送某编修侄还江西

阿咸辞叔父春晚别京畿家在江西住人从天上归离筵柳枝短佳防竹林稀知子庐陵梦依依对琐闥

送人之官

滇阳余万里一命荷恩深应宿郎官职分忧圣主心治劳烦制锦俗化借鸣琴云翮终难滞还栖在上林

遇王子渊

分违十五载容鬓改平生乍见忽忘姓相惊各道名离愁无限积往事几回更又作临歧别凄其感我情

哭曹给事

署职居仙禁分曹掌士师那知弥月病永间百年期堂有衰龄母家无主祭儿亲交临旅榭向哭有余悲

又

秋色凄丹旄惊飈素帟文成贾生赋舞罢老莱衣草圣从今絶交情感昔非那堪愁正切邻笛怨余晖

送杜德润

相闻十余载未得叙平生抚卷歌三叠依然含别情呉江枫叶下楚泽苹花荣去去毋留滞西风一棹轻

寄友人

世味浑忘却身心得少闲
临池看白发把酒对青山
经史三余外桑麻十亩间
优游期卒岁宁料阻时艰

再用前韵奉答

君本逃名者如何亦未闲
秋风发丛桂孤杖别家山
落落征尘里遑遑歧路间
相逢一惆怅空感世情艰

秋夜对月

桂月高秋满兰堂独夜长
凉光浮露叶清响乱风篁
徂谢悲余景雕伤感众芳
所思千里阻重此值凄霜

挽唐愚士二首

久入平津阁新趋禁掖门
宸筵存旧礼翰苑荷殊恩
竟抱漳滨疾俄招楚泽魂
不堪愁绝处邻笛怨黄昏
飘风翻總幕落日闪丹旌
未展生前志空遗殁后名
托交知己任执紼故人情
旅櫂东归处凄然泪满缨

雨后夜坐

荒村踈雨后茅舍在溪边
半夜凉初透孤灯人未眠
病多诗思少客久世情便
却忆年来事茫茫总可怜

送人之官

高歌倾别酒挝鼓发官船
烟柳千丝雨莺花二月天
且 今日醉定约暮春还
凯奏彤庭晓欢声动日边

送人

幼时曾客处今日送归人
东海一千里流光四十春
江山应似旧花鸟几经新
故友如相问衰容与病身

又

同谒天官选君归我独留
本朝睽轸去翻作异乡愁
云杳曹娥渡江空白鹭洲
欲知相忆处倚

遍月明楼

送人复任合浦县簿

鸣驄何处去南海复之官路入蛮溪暗珠还合浦寒盐车非伏骥篱枳暂栖鸾圣主求贤急飞
腾谅不难

挽庐陵萧先生

德行称先辈威仪式后生青山初晦迹丹阙早知名方逐搏鹏举俄惊赋鵬成读君匡世策雪
泪洒长缨

又

出处恒师古忧伤每感今展禽将比迹贾谊本同心江右仪刑在天南歲月深有经传令子身
没胜羸金

送朱校书赴任余杭

成传世业膺荐谒承明特授儒官去仍寻故里行烟花曹女庙春草越王城总是曾游处难
为送子情

东王先生

先生懷魏阙未肯卧林丘分别才旬日相思又莫秋碧云连遠道綠芷歇芳洲还念归来否忘
机有白鸥

答友见寄

莺歇蝉初动经春别故扉劳君遥问信是我正思归夜馆烦虚榻秋风拟拂衣莼鲈虽可恋何
似北山薇

柬彦起秀才

身抱丘明疾家罹原宪贫亲年迫垂老儿齿未成人分别山中冷相思泽畔春何当归去后访
子问艰辛

追赋杨氏夜游

十二百惊鸿纓铃小队丛葢张遮桂月扇动度兰风翡翠钗梁重芙蓉袴褶红今宵向何处将入望仙宫

又

朱城壁月悬西市隘车钿金镫银花镂雕鞍翠羽填黛轻眉月细膏滑髻云偏驰道争先絕君王中使宣

又

银灯隱绛纱流彩暎鈿华插鬓金鸾小填蛾翠鴈斜衫寬藏半折綬解绾双花共覩新妆束相邀进内家

又

红锦簇鞍鞞宫西小市边更衣寬宝带匀粉落花钿袖窄扬鞭易靴轻下马便君王好夜饮留醉凤楼前

述懷

三十未得志栖栖无所投空持五经笥不遂一身谋土蚀张华劒尘生苏子裘何如覓归计负郭有田畴

又

识命当随寓无营只守真安知执圭者乃作种瓜人周道荆榛合穷山兰杜新母云菽水薄朝夕可娛亲

题林泉居卷

旧忝林泉隱新从朝市人行云流水梦芳草落花春世事终难料生涯莫任真茫茫天壤内到处是通津

雨中江馆偶成寄山中诸友

雨声窓外曙独客梦魂惊阳月看仍尽春衣缝未成空将倦游意并付忆归情寄语山中侶松间有旧盟

寄畊渔子徐良夫

理世无遗逸君何独遁逃方知唐虞盛乃遂巢由高耕田中呉野下钓五湖涛帝力我安有熙然纵游遨

寄虞公务

泛泛踪难定皇皇思每惊歳年知几换书剑竟何成多雨江村夜孤灯客馆清此时谁共语唯念昔同盟

赠丁秀才敏

君年逾一世我齿越三旬本是同懷者俱为失路人栖栖在羁旅落落困风尘安展凌云翼相期据要津

送王之常

摇艇緑江头江花昨夜秋正当人欲去复值雨初收杨柳疎烟渡芙蓉落晚洲离情不可道尽逐水东流

送春官主事陆伯瞻使朝鲜

寰宇同文日春秋一统年仙郎辞粉署星使泛楼船海极神鼇际天连旭日边何慙张博望勲业着青编

又

臣民归正朔名器重繁纓蕃国忠诚切朝廷宠賚荣日边龙节去海上使星明重续东方传谁论汉将名

春夜对雨

远漏沈余滴空斋梦乍阑灯摇风影乱窗掩雨声寒节序愁中驶莺花客里残故园归去晚惆悵负春兰

少年行

出身本六郡结爱入三川旧是良家子新从侠少年黄金装劒珥緑锦制鞍韉笑杀成都客穷居事草

和唐侍读歳除韵

青歲芳华后 陰节序穷寒收灯影里春入漏声中弱志怜今异新懷与旧同严城冠盖动炉炭已销红

送杨仲宜归闽中

一门推二妙兰玉喜同荣之子旋归日难兄眷恋情皇都半秋 乡路几时程应有重来约春风花萼生

又

不识闽關路迢迢天一涯因寻鸿鴈侶来咏鹁鸽诗官舍同眠夜沧江独去时明朝相望处两地各含思闽中杨仲宜氏不遠数千里来京师謁见其伯氏谕德公勉仁盘桓月余告别余闻而喜曰若仲宜可谓真知敬其兄者矣夫京师名贵之園也韦布之士辞乡井来游者鮮不役于是仲宜倏然而来飘然而去无意乎此非诚心敬其兄者哉因赋五言短体以饯永乐五年秋八月既望承务郎右春坊贊善兼翰林检讨青城王汝玉

柬施景仁

膺荐朝仙阙承恩返旧扉终酬元亮志谨识冶长非晴巷青杨合春园綠韭肥生涯方满目从此可藏机

题看花仕女

玉台装乍整纚履盼行云羞脸团纱掩娇蛾浅黛分翠松连理带香膩七襄裙竚立花庭下含情怕夕曛

寄曾先生

理世方招纳君何独避名遨游遍山水谈笑却簪纓身与闲云侶心将世事轻吳山旧栖托应是为莼羹

又

月色经秋半懷君今夜心徒然期晤语翻此间徽音烟寺微钟度江城遠柝沈何当一乘兴摇艇欸溪陰

送舍弟璉

送尔出门去出门行路难时方重财贿孰肯礼儒冠沙晚鹄鵠苦雨凄棠棣残好营甘防养归

奉二亲懽

挽毛国子

投荒知几载拜阙始逾年正喜经帋设俄惊客馆捐病妻嗟失倚弱息叹谁怜重聴山阳笛含凄彻九泉

青城山人集卷五

明王燧撰

五言长律

和徐高尚同陈胡二文学虎丘游集

中吳饶佳游兹山极殊观磅礴踞臯陆防岨轶霄汉灵岩南蔽亏震泽西衍漫岵嶺见城堞参差瞻里閤飞甍凌巘出紺宇横林奂余霞皎夕陰初旭霁晴旦宗周昔无象四国争发难闔閭绍遗业傲倪霸东翰雄图未终毕宫车忽云晏年遥代祀忽世变物情换深藏閤雨花曲池幕烟蔓崖崩留凿纹石驳余剑防诸君美无度假日穷幽翫凭峭信多览吊古亦增叹伊子旅江壖接武嗟阻限聆风仰清穆披藻羨芬烂重寻倘能卜偕行愿相賛

送县尹某人荐举复职

邑庠初勵志太学早蜚声经学推先辈文华厌后生幕賓曾署墨巡戍旧题名薄宦浮沈久频年宠辱并自期成委致何幸遇清明荐剡腾丹陛征书下玉京拂衣辞陇畝被褐謁銓衡复賛琴堂去仍为花县行莫言淹骥足谁谓滞鹏程百里讴歌洽三年政绩成天官称考最朝士誉才英日丽双龙阙春明五凤城临江开祖帳出郭送行旌南浦生芳草沧洲长杜蘅愿言持贈别勉子树忠贞

送李金宪

晨兴趋禁闕夜直在仙闈十载濡华笔三朝侍袞衣忠诚曾歷试政事每无违北阙除书降南方宪节飞清霜随部署明月照骖騑瘴岭梅花早炎天雁侶稀明朝空怅望何处待音徽

送仪曹主事陆伯瞻使朝鲜

鲸海洪涛里鸡林旭日边皇风八表使节降中天往赐殊恩享来朝甲令悬旧知邻日本新号复朝鲜礼乐存殷后衣冠仿汉前诗歌四牡什书读旅獒篇泝水功全陋新城绩浪传圣图宁有外王道本无偏职贡梯航日河山带砺年只今同内属不用将楼船

丝竹堂

东鲁分支遠西江衍派长风云开胜景丝竹敞华堂架貯籤新挿书存壁旧藏口传思伏胜妄意笑共王圣道乾坤大经文日月光方今逢盛治奕叶看流芳

送人之官四川

暂辍分曹秩初悬刺史章承恩辞建礼衔命出昭光峡束瞿塘险山盘剑阁长蒲鞭随骑后卉服拜车傍已见风声被行闻德化彰大廷重考最计日筵鹓行

送祝少卿使朝鲜和大学士王达善韵

治教千年防车书万国同蕃邦修贡礼报使选时雄文物商周在封疆汉节通洪涛翻地白初日射天红海服皇图内边人圣化中敷宣当奉职要在复箕风

青林小隱图

緑波三泖外青嶂九龙前别有深林境新开小洞天晴陰千顷合春树几村连翠湿榆将墮红深花欲燃蓼萝朝带露煮石暖生烟庭养华亭鹤门维笠泽船方期事真逸更拟谢烦縁忽应征书起旋将旧业捐闽中陪制锦江右佐鸣弦梦断居闲日心存报国年烟霞盟暂辍松柏操弥坚又报山中侶空移蕙帐篇

送太医院使戴元礼归金华

金华初脱迹紫禁早知名旋起丘园隱来沾雨露荣青囊存药秘玉检贮方精先帝称纯谨今皇重老成两朝亲侍从十载尽忠诚请告衷懷切推恩睿算明赐金分御帑祖帐溢都城草色丹阳路花香白下程将期过岩子应拟访黄平童稚临门 亲知夹道迎还家虽乐具恋阙自魂惊知近初阳节趋朝聽佩声

送唐太守

初賛霜台宪旋迁粉署郎趋朝常秉礼入幕每持纲重沐君王宠新悬刺史章均州江水右梦渚楚山阳秋岸丹枫落凉洲白芷香别来何以赠先世有遗芳

青翠轩

寝扉临胜絶春竹琐檀栾凝翠栖经幌分青度药栏粉飘风际晓箬解雨中寒檐外云三径墙陰玉万竿悬知禅讲罢鸣凤下瑶坛

致乐堂

奉亲思致孝养志敞华堂暎日斑衣粲迎风锦幕张鹤垂耆耄发雁列子孙行椿树连 茂萱花近砌芳田荆纷蔚蔚窸桂发穰穰酒献千金寿炉供百福香承顏和气集政颂德音扬繁祉方无已遐龄政未量长年皆乐事宁赋采兰章

题桂山堂

不作淮南客还歌桂树秋堂依林下
敝人似月中游白苧凉新透清郊暑乍收
风从小山度香入九天浮城市心应远
烟霞志已酬攀援如有意歲暮共淹留

送永丰教谕陞襄阳教授

九年鸣教铎三考谒铨衡
职典黉宫旧官超大郡荣成规存吉水
新训着襄城登岷懷羊祐垂帷慕董生
春归习池晚花发大堤明想见传经暇
从容载酒行

棠陰书屋

烟霞开胜境林壑带幽居
终日心无累长年乐有余
时过三益友賸貯五车书
缝练收萤火烧芸辟蠹鱼
风吹朝幔卷月暎夜窗虚
已致青云上还思素服初
丈夫终一德穷达复何如

哀故友

宇宙经纷溃江湖减旧知
可怜今日泪又为故人垂
我昔叨乡榜君方谒泮池
虽当童稚歲早见老成姿
灵凤初辞穴神驹不受羈
昂昂呈骨格采采濯威仪
自合凌丹汉应须置玉墀
风烟一飘散寒暑久乖离
杜曲身弥困盈川誉日驰
停云空怅望落月累成思
郭外闲投迹山中喜践期
绛纱新帐设防笔丽词摛
志趣朋侪畏才华月旦推
吾徒获佳侣乡校遇良师
几度聯徐榻常因入董帷
夜吟灯数剪昼论暑频移
村转千花里山蟠巨泽湄
知将遂栖隱正拟得攀随
不意干戈变俄惊衽席疑
片时殊宠辱反掌易安危
骨肉归何处精灵失所之
慈亲痛鉗赭爱子陷囚縲
薤露行歌杳铭旌返迟伊
人乃如此造物竟奚为
大厦轰霆震连冈烈火滋
那能分玉石岂复惜枵櫪
有礼行哀问无家致吊辞
昨来过寓所但觉益凄其
欲秉中郎笔难书有道碑
天秋气萧爽日夕影参差
暗壁封苔晕虚窗网蛛丝
题闲桂泉咏酒罢浒溪卮
中散琴安在山阳笛自悲
伤今腕方扼感逝颊重支
剑化丰城后珠沈合浦时
徒然歌楚些魂断不堪追

过尹山东庵

地涌琉璃界天开翡翠林
那知近湫隘谁意得幽寻
日丽花台迴云横贝阙深
紺园浮霁彩琪树带春陰
玉磴珠泉滴丹窻綠嶂临
梵王红锦服仙女碧瑶簪
金作山龙甲朱为海鸟襟
鸣钟惊雉舞讲法引猿吟
境静尘难染机深虑不侵
愿因清淨力从此识真心

代闺人怨

璧月鉴朱扉金风复动帟
熏炉添夕烬华烛散炎辉
孤人处兰室荡子别金防
月莫频陨谢春草屡芳菲
腕玉销璫钿啼珠染翠衣
调弦闲宝瑟织锦罢鸣机
夜衾懷嬾婉晨镜惜容徽
梦畏灵鸡唤心惊旅雁飞
往歲从征北连年属建威
马邑方无戍龙城已解围
念兹桃李月那能独不归

题【阙】

五岳真游逺三山胜景矦何如赤县里自作野人家大隱齐东鲁闲居类浣花雪中丹凤阙舍外白鸥沙山影摇书幌波痕上钓槎诗成江愈淨梦觉日将斜案有闲僧帖门无俗士车遗安付心事习静寄生涯迳忆终南捷名闻少室夸君今谁得似终老在烟霞

五溪放棹为严明威赋

昔闻五溪险今见五溪平總帟迎风卷楼船带月行烟花蜀相庙露草伏波营已竭忠臣节仍全孝子情白云悲望切黄壤喜沾荣古栢森神道坚珉勒墓城此中方眷恋 罢促还程

清真轩

甲馆连薨起闲轩胜景开谁言居戚里宛似入蓬萊树接天家近山从上苑回凉飈排闥至空翠拂檐来竹粉飘琴荐松花落酒杯莺啼烟外柳鹤卧雨中苔寄兴多佳赏陪游得上才永和千载逺文采共昭回

和故乡诸友见寄

昔别逢条桑今还值鸣蜩逺游淹辰节离思结昏朝水宿我情懣山栖子志超半生懷隱止中道困沦漂虽积岩壑眷恒违樵牧招日归未温席于迈复扬桡仍将风波习再与朋知遥杳杳寒蓬转茫茫秋梧飘感仪宁乏操慕鳥岂无谣事系竟难解心悬徒如摇唯当敦久要不为歲寒凋

访山中故人

整策陟幽峻寻云入灵谿藤萝互防密崖磴纷盘纒长林倏数转春鸟时一啼稍觉去人逺诘知行路迷欣值息心士幽独在岩栖清晤防夙契防防启 机于焉素懷愜澹然凡虑非明当税尘鞅投迹恒相依

青城山人集卷六

明 王燧 撰

七言律诗

瓜州道中

清江杳杳水连空江北江南绿映红三月异乡逢改火经春游子怨飘蓬满汀芦叶孤舟雨一
树梨花小旆风遥望故乡何处是依稀烟树五湖东

双溪草堂

清溪窈窕合流深长望茅堂溪水阴明月关河千里梦夜窗灯火十年心题诗尚记江如练列
坐空思风满林安得投簪陪杖屨一庭春草映青衿

春日左掖门闻莺

落絮飞花满禁城万年枝上一莺鸣全非幽谷闲关调总是东风宛转声啼处尚含求友意断
时犹带惜春情朝回左掖门前听疑是仙韶奏九成

新秋早朝

宫井梧桐叶乍飞新凉先到侍臣衣苍龙阙上银河转丹凤楼头玉漏稀宿卫分行环辇路夕
郎鸣佩出仙闱嗟余虎观叨陪从簪笔惭无补万几

寄北京韩院使

分别长干不记年南楼明月几回圆情生疎雨残灯后人在重云远树边此地寒销葭管夜南
方春近杏花天嗟余久抱漳滨疾愿检书囊启秘传

送马先生致仕还松江

十载黄宫坐冷毡旋因致仕远辞天桑榆暮景逢明世桃李春风忆少年送别同倾江馆酒赋
归独泛泖湖船慙予亦有莼鲈兴梦绕吴松烟水边

送人归吴

相逢不计别来年君鬓如蓬我皓然亲友凋零知几在江湖飘荡喜俱全九重请告承新宠五

柳还家老旧田明发京华又分别春风应送洞庭船

寄衣曲

素练辞机夜捣砧乌啼桐井月移陰三年异域无来信万里征衣寄别心霜重已忘刀尺冷风高长忆塞垣深荣勋莫在班超后日日空闺待好音

送韩伯永之北京省父

严亲端笏侍龙旗爱子相从着防衣千里神都瞻王气两淮春水漾晴辉兰苕暖近香初动梅萼寒销雪乍稀相见承欢调膳处即看行幕是庭闱

挽学士王达善

縞纈论交两少年相逢不觉共华颠蓬沙紫塞怜分袂风雨青灯忆对眠投老喜看居内相抱痾忽报掩重泉九龙山下梁溪路日极丹旌思黯然

送浙江佥宪之任

吳水吳山锦绣中太平箫鼓万家同朝端新授观风节使者初乘按部骢九里松留梁旧寺万年枝隕宋遗宫钱塘风俗犹存古秉节须烦卧治功

送张孝逸

天书曾赐返岩扉重应轺车拜紫防振袂晓趋中禁路濡毫昼坐列僊闾云边日转龙旗动花里风轻玉漏稀大典告称恩露重春来莫忆故山薇

挽王之常先生

生平英迈薄秋云野鹤飘摇迴不羣早歲常懷千里志莫年空卧五湖濱嗟无嗣子题新主幸有诸孙辑旧文不识泲山先垄下谁书征士表清芬

送人还乡

一别芹宫旧讲壇几年归去卧林泉承恩重应征贤诏休老还寻负郭田官驿晓云迷楚树大江春水放吳船世麟堂上遗经在应与诸生理旧编

送太守徐彦威

路出都门指八闽送君方值柳条春
汉庭循吏推黄霸颍郡遗民望寇恂
雪水满江催画鹢棠阴夹道引朱轮
銓衡考绩论公最知是專城第一人

为周文威题菊庭卷

亲王受册镇长城上将分符总重兵
仙阙九重颁命出星轺万里向西行
药囊旧贮丹经秘诗卷新承赐翰荣
什袭珍藏归父隱虹光夜贯斗牛明

送太平刘知府复任

锦绣江山拱帝畿上皇曾此驻龙旗
三年出守劳綏抚再命專城遇眷知
桑柘千村丰庶日歌钟万户太平时
送君重去宣王化明世休论治蠶丝

送翰林王孟旻叅将安南

暂辍含香直晚班新叅将阃出平蛮
黄茅綠树千重岭瘴雨蛮云几处關
去马正逢椰子熟归旌定及荔枝斑
知卿素有雄豪笔须勒神功镇海山

送王孟端随驾之北京

龙驭时巡幸北京属车侍从鲁诸生
周庐未彻黄茅起磴道新开輦路平
星拱紫垣严宿衛天临华盖肃行旌
马卿素有凌云志应有词章颂圣明

送文渊阁待诏端孝文使朝鲜

扶桑日出曙光寒帆挂长风积水寬
汉武开边分四郡圣朝遣使抚三韩
河山誓重畿封遠雨露恩深岛部安
想见藩臣迎节下犹存黼黻旧衣冠

七夕次苏校书韵

玉树金风晚乍闻秋光南国未三分
露凉将拟投班扇才拙空慙续柳文
千里忆归吳苑外频年客计楚江濱
仙家此去知何处只隔瀛洲五色云

送吳侍书省墓

三年染翰值仙闈新沐天恩请告归
但使丘原仍似昔谁论松菊稍云非
朝衣入里人应羨白首荣亲古尚稀
相送不须生别思春风佳防在金扉

题虞山景

平生未识海虞山揽秀曾因图画间云入空蒙开倒景僧依苍翠闭禅關湖田稼熟秋千顷烟浦舟行路几湾天上归来暂停轡何当留我老年闲

送王孟端侍从北巡予亦将适武清先赋奉饯

子昔朱顏我少年梁鸿溪上愷周旋相逢正喜情如旧屈指方惊歲屡迁行李欲为投北计束书先上渡江船它时重剪西窗烛应在春风易水边

次斋宿诗韵

圣王报本奉彝章亲御 丘祀昊苍文命诞敷开景运精诚昭格显神光九天星暎中庭燎午夜风传合殿香璫署仙人歌盛德抽毫欲赋媿榆扬

题韩御史椿萱堂

济南簪绂传家旧阙下恩荣受赐新乌府諫书推二妙华堂防服奉双亲椿萱并美阳和节兰玉同沾雨露春驄马聯驰谁不羨清风端可继前人

送龚郎官

阙下陈情拜至尊天书赐告出都门星郎旧掌铨衡寄黄壤新沾雨露恩奕叶遗芳今日见百年乔木几家存嗟余亦忝簪纓后世泽荒凉愧子孙

送顺昌伯云南抚安

分阃曾登上将坛金貂新插鵷防冠身轻百战君恩重威振三边敌胆寒幕下偏裨皆许歷座中賓客有冯驩兵符又向西南去谈笑风生六诏安

寿董学士

昔将忠荃事先皇南去归来两鬓霜德重三朝兼傳相名高四海仰文章承恩曾赐金莲炬退食新开綠野堂天上忽頒宸翰降奎星午夜动辉光

又

金章殿下日初移白玉堂深午漏迟后进咸宗邹鲁学满朝皆识帝王师新承鳩杖頒恩日正值蟠桃防宴时圣主只今方倚重未容归踐赤松期

送人告老还乡

太学栖迟共几年风灯蓬鬓影萧然乡關回首思千里章奏陈情彻九天荒迢许寻彭泽菊全家全上楚江船归时莫问生涯事故物仍存有旧毡

闻钱仲益自杭州获归

空江秋晚忆分违回首俄闻世事非异国频年嗟久滞故乡今日喜重归黄花渐发逢新雨白鸟从来识旧矶咫尺对君湖水畔何当放棹欸柴扉

送李金宪

两朝染翰侍君王新荷深恩秉宪纲日射绣衣辞殿陛潮催画鹢上湖襄长风鹏翼初横汉官驿梅花尽带霜想见露车行部日应从召伯问甘棠

又

拂曙纶音降紫防凤池仙客绣为衣先朝故旧如君少四海交遊似我稀云散都城新雪霁寒生江路早春归悬知别后趋朝日犹忆相从向琐闱

客懷

水流花谢总无情卧病漳濱百感生自笑田园荒旧业却将文字覓虚名春来又见羣芳动老去都无一事成故里莺花应念我行将长揖谢公卿

又

逢掖虽云是旧衣故山终负采春薇时清懒上王通策病久常闲董子帷寰宇同逢新节至江湖自觉故人稀平生多少關心事空学庄生蝶乱飞

又

夜静灯寒独掩關满窗风雨响珊珊客中自信贫非病老去方知懒是闲寺遠无寻僧作伴林深思与鹤同还枕边又聽朝钟动忆簪鵷鸿綴末班

送胡典仗赐告还乡

班分彩仗列廷墀侍卫亲王典汉仪婴疾正当强仕后乞身未及老年时心懷朱邸行犹恋身到青田梦尚疑欲报君恩何处是好将忠义付佳儿

题右江遺墅

陰陰乔木带江沙建武年来世绪赊
麾节频沾新雨露山林不改旧烟霞
綠深椰子经春叶红绽蕉丛过
陂花曾读云台诸将传子孙繁衍有谁家

送人之越

我昔东行到越州别来回首几经秋
停云尚忆当时兴送客偏增感旧愁
曹女祠荒花自发贺家宅废水空流
不知故友今谁在烦向春波问白鸥

湖西别业

豫章城外楚江边旧业犹存季子田
雉雌蠹眠三月暮桑陰麦秀几家连
将同杜老家夷曲似学王维住辋川
我本五湖畊钓客沧洲空羡白鸥眠

送曾先生

吳江枫落水增波忽报山人放棹过
相见政将懽意接送归无奈别愁何
风生晚泽蒹葭响雨歇空山烟雾多
此去几时重聚首歲寒有约在松萝

送人之官

黄茅远接海云边官驿迢迢路几千
客骑晓防梅岭月行装上广州船
陶潜未遂归来志马援犹堪矍铄年
想得到官敷政日那人争拜玉堂仙

送魏秀才

江湖游荡欲何依末路谁能礼布衣
木落霜天秋欲暮风生泽国鴈初飞
辞家已久行囊尽为客无谋相识稀
明日重归故乡去里人应谄读书非

次费刚中秀才见贻诗韵

一载漂零江海行与君俱是一书生
心同孤馆秋灯影梦断重门晓佩声
啼鸟残花伤往事暮云春树动离情
相防只隔吳淞水空羡风前短苇轻

又

艰關曾记共君行此际相思别恨生
四野荒山横暝色孤城落日起秋声
星霜冉冉蹉跎感湖海茫茫故旧情
丽句枉投难报谢自慙金玉尚为轻

寄友

莺歇江乡杜宇悲故人遥望久乖离梦因春尽归常切书为山遥寄每迟疎雨林边寻古寺夕
阳岭下谒荒祠匆匆已负瑶华约别有西风桂子期

懷范宗文

君去遨游尚未归北风吹雪正霏霏悬知此日生涯薄应悔平时直道非舟泊空江闻鴈断路
逢寒草过人稀呉兴巨室多豪杰谁识当年旧绣衣

送人归省

新沐天恩拜玉墀宫衣荣暎防衣时仍从东浙家乡去应咏南陔孝子诗白下余花香未歇赤
城芳树緑初滋知君恋阙丹心切良防须先露冷期

挽呉处士

平生晦迹卧林扃太史应占处士星十畝桑榆闲暮景一蓑烟雨钓寒汀遗安已得庞公计传
后无烦韦氏经欲挹高风何处问兰陵冢上有新铭

又

烟霞深掩故山扉投老林泉一布衣野梦不萦青琐闥闲情常在白鸥矶藏书篋满传家遠种
秫田多带雨肥忽厌尘寰向何处青松寂寂锁斜晖

寄呉中故人

乡心离思共依依呉水呉山怅久违客里频看流景换老来偏感故人稀百花僧舍思携酒细
雨春林忆采薇一枕飘零江海梦夜深空趁蝶交飞

送徐子信还呉

渡头初聽采菱歌送子还乡意若何碧树霜前红叶少青山雨后白云多共怜杖屨游桑梓仍
羨衣裳制芰荷簪笔自慙无所补空令华发叹蹉跎

紫翠丹房

洞门深锁鳳城春迴隔长安陌上尘云里山光褰幕入雨中柳色过窻新自縁习静成闲逸非
欲逃名事隱沦想见斋居清昼永药炉丹灶每相亲

送友之西秦

天子临轩命近臣，逵持宪节镇西秦。
琐闥暂辍封章奏，骏马行防出抚巡。
幽地应非周故俗，茂林无复汉遗民。
關中父老郊迎日，为播朝廷圣化新。

秋夜

碧天凉月漾金波，玉漏防时夜半过。
客梦不知归路遠，乡心偏是到秋多。
鵲惊孤影翻风叶，蛩带寒声起露莎。
遥想五湖烟雨好，无由重整旧渔蓑。

次张真人见寄

玉京神观喜佳逢，始信蓬山有路通。
忽报仙幡临草泽，惊看画鹢下天风。
凉生晚渚芙蓉老，霜陨秋场稼【以下阙】

青城山人集卷七

明 王燧 撰

五言絕句

东郭襟咏十首

仲遠家东郭予家东郭东春秋闲暇数轻舟往来遇景留连辄成歌诗积时既深不知累什

东城

家住东城下时登东城上东城几古今一望一惆悵

草堂

草堂近东郭綠水遶萦回荆門多不掩时有清风来

葑村

荒邨依野葑树色水光边人家知遠近犬吠隔溪烟

莎滩

莎滩溪水汜滩上烟莎綠日夕少人过闲鸥自来宿

柳汀

闲汀多种柳窈窕入溪浚东风花落尽满地是春陰

苔迳

尘机暂已忘尘事日应遠试防径中苔朝来深与浅

红蕖港

流水深成港芙蓉照水新葑溪非镜曲莫误浣沙人

綠萍湾

清溪知几转靡靡綠萍多莫赴流红去漂沦将素何

石庭

石庭平且敞规制非雕凿家僮频扫淨留待闲花落

菊篱

种菊东篱下芳丛经雨生膏粱不可食日夕待餐防

佳赏轩杂咏

往歲在乡里时尝为朱亮字伯贞记佳赏轩及来京师又持卷索诗因追赋轩居故事为五言八章时亮新擢礼科给事中暇日一披咏之不知如身在轩中否时庚辰冬十月也

南园

苏郡庠初并东城殊极隘陋范文正公有园在城南相地者云兹地当踵生公卿公曰与其私于一家孰若公于一郡遂以之建今学云

南园夷且旷水木凝华清天开景明淑仰见昔人情

道山在学宫西庑后

开轩道山下时登道山上美人今在否日暮增惆怅

泮池

泮池深且广綠水浸红莲轻风雨余至演漾起澄涟

杏坛

空坛有繁杏蔼蔼綠生陰清风何处起犹自聽鸣琴

古桧在明伦堂前或传文正公手植

古桧依堂陲曾闻昔贤植歲寒霜霰多不改青青色来秀桥太湖水东来由桥下曲折入学宫流渠并西墙

石梁跨新綠源长流愈清何须沧浪水可以濯尘缨

春雨亭

闲亭对春雨窈窕来城陰初滋千门柳复沾松桂林

采芹亭

高亭临泮水綠芹生水陰长年时采撷列坐有青衿

题高彦敬画

孤榜系落日清风秋思长隔溪望林阁夕靄正苍苍

题徐幼文画次高季迪张来仪韵

云生疎林晚花落空山春裴徊林下路惆怅山中人

题王思敬扇

家住綠苹州轩窗瞰碧流夜来疎雨过凉思到沙鸥

题画

疎树叶全脱众山云半收高人坐苔石风露一身秋

又

叶暗前朝雨花飞昨夜风空山人不见春在綠陰中

又

山影照清流凉生杜若洲夜来江上雨添却几分秋

咏兔

芳草满陂綠草中狂兔行只今罢虞猎来去任纵横

又

青松郁如盖下有兔爰爰徘徊知何事应待望舒圆

题双鸟图

婀娜绿杨枝上有双鸂鶒焉知九苞凤终择丹山宿

又

翩翩双好鸟同集一枝安谁知瑶岛上别有青琅玕

题兰

楚楚九畹姿托根孤石上清风久不来含芳独惆怅

又

古石生幽兰孤芳贞且妍何由遇君子移置瑶台边

婕妤怨

长信秋风起昭阳夜月明相看一步地各自不胜情

又

歌声何处动独立又黄昏自愁成感叹不是怨君恩

梧桐竹石图

高梧冒岚密修篁依石疎忆在西林院闲窗凉雨余

山斋

斋居在山中长日人来少石坛花落多时有东风扫

玩古轩

松下有闲轩鸣琴间图史今人非古时古人今已矣

竹磻

种竹绕磯瀟苍然昼如晦故人期未来自有清风至

白石坡

坡上有青松坡下多白石还愁苍蘚生何处寻行迹

清陰谷

垂阳何靡靡繁陰覆谷中芳春信多嫩预恐起秋风

埜壘

闲斋面瀟洒欲谢尘中綠四坐杳无际此心方淡然

枯木竹石

西风昨夜秋琪树芳华歇独有修篁枝虚心保贞节

题竹

粉箨解香苞新梢展凤毛空庭明月夜只恠粉墙高

寒江独钓图

空江不见人飞雪纷如剪独有垂钓翁孤舟水云遠

题竹

志士励贞操君子抱安节请防艳易花何如后凋叶

又

箨香初解粉叶嫩正含姿长保青青节相期歲晚时

桥亭八咏为宗人府经黄子中赋

澧陂春涨

春陂昨夜雨綠水潮来涨应有放歌人濯纓陂水上

香炉紫烟

紫烟明复灭窈窕孤峯晓松风吹不消何处看飞鸟

龙磔朝岚

朝岚龙磔生复度青林上咫尺不逢人唯闻樵笛响

田东暮雨

负来春 暮东风洒灵雨归时中路昏帐望谁为侣

云源仙笛

闲云深几层孤笛云边动泉声忽相乱莫辨梅花弄

圣容僧钟

山色杳冥中烟霞最深处因听风外钟知有闲僧住

甘泉飞瀑

危峯高不极瀑布半空飞岩风吹莫溅恐湿绿萝衣

天宝悬崖

悬崖空翠表下瞰羣山低灵仙望不至谁与登云梯

题画杂咏

月出孤松陰风生百泉响空山不见人解带苍苔上

又

花开山色中鸟啁泉声里相对澹忘机辟书征不起

又

潮痕带晚沙云影连春树隔浦漾舟来应寻酒家去

又

湿翠暎繁红东园起暖风春光何处是都在鸟声中

又

亭亭一片云飞坠青嶂间未肯从龙去长与幽人间

古石苍桧图

石间有苍桧乃是青云姿愿君慎培养岁晚以为期

题画梅

浅白睡时妆轻清雪后香忆曾相见处江店月昏黄

题雅室

深院沈沈晚香崖独自飘忽闻琴瑟声都是相里润

青城山人集卷八

明 王燧 撰

七言絕句

题赵松雪画

自从玉马去朝周云散花飞几度秋宝玦玉还零落后吳兴留得晋风流

题赵仲穆画

十二璫楼紫翠重万年琪树落秋风南朝无限伤心事都在残山剩水中

甯戚饭牛图

宁辞掩骭褐衣单叩角长歌坐夜阑有志欲逢尧舜禅如何功止霸齐桓

题画送陈孟敷

君家门掩綠陰低古木丛篁水郭西我向京华望吳苑桃花只隔武陵溪

题吹箫图

玉箫声断凤楼空人在烟霞紫翠丛何事沈郎千古梦多情犹入紫防中

为朱仲昂题画

谁家茅屋住深山路转清溪第几湾寄语桃花休乱落恐随流水出人间

题倪雲林画

水流花谢白云飞沧海桑田几是非莫问兰亭旧踪迹当时文采古来稀

唐宫七夕图

花萼人归锁画楼长生殿里防牵牛關山风雨闻铃夜赢得銮輿事遠游

送赵友同之松江

画船晓发凤城东江上青山云几重秋水连天三百里片帆一夜到吴淞

又

我别松江几度秋渚花汀草不胜愁京华送子松江去梦落沧浪旧钓舟

题赵仲穆画兰

吴兴才子宋王孙国步兴亡不用论北去归来三十载却将幽兴写芳荪

咏侄孙鏞扇

我昨承恩赐告还杖藜时到海虞山十年湖海狂游迹暂喜登临一日闲

题江村夜归图

汀苇苍苍白露凝一滩寒月未收罾西风吹醒江南梦四壁蛩声半夜灯

题画

芙蓉城隔防云间咫尺蓬莱海上山见说瑶池花又落不知青鸟几时还

送山西行都司断事

桑干西去出长城白草黄云足马轻后夜它乡见明月鴈门關外望宸京

题倪云林画二首

清閼阁前芳草绿小蓬壶上落花多吴山西畔人何在遗墨空存晋永和

逍遥天地一闲身浪迹江湖七十春惟有云林堂上月于今犹照昔年人

溪山高士图

万山环绕树高低十里烟霞路欲迷一夜东风花乱落莫教流出武陵溪

双桂堂

堂前丹桂两枝芳堂上慈亲两鬓霜几度彩衣称寿处天香满袖露华凉

题扇赠姜公实

玉堂退食苑钟迟不觉花砖日影移忽报故人来问信相逢却说故乡时

寄畧道权上人

长干寺里访清游花落花开几度秋望断碧云人不见夜深飞梦到扬州

题画

五湖深处旧柴關春水桃花第几湾昨夜东风吹梦去白云深锁万重山

桃源图

天台山下防云边别有人间小洞天刘阮凡情犹未断错教花里遇神仙

题槎处卷

不随星使泝河流却向荒矶侣白鸥我本綠蓑江海客十年空忆在沧洲

题赵丹林竹

一枝斜影过墙陰青琐窻寒夜未深却忆佳人在空谷歲寒应念旧同心

与练纲题扇

天上归来访旧游花开花落几经秋喜看堂构还如故玉树芝兰日渐稠

题画菜

我本山中食荠肠玉堂饗馔大官羊却思春雨闲园后煮得新葵满釜香

海棠便面

彩毫香染墨淋漓写得东风玉一枝不似落阳花谱见香红新雨湿胭脂

题倪云林画次高季迪徐幼文韵

水流花谢歲华深江左风流不可寻留得当时陈迹在永和遗墨写山陰

题竹赠祖士英

湘臯日出楚烟消綠玉参差罩碧绡栖凤一时惊梦起满林齐舞翠云翘

杏林春晓

种得千株艳杏花东风门巷尽頽霞行人不识谁家住错认当年董奉家

题赵丹林竹

一家村上記相寻坐对萧萧风满林天上归来重看画辽东鹤去海门深

为呉子敬题画

雨洗清江十里秋渡头水落放轻舟客窗一枕江南梦都在兰汀杜若洲

题黄鹤山人画

独卧茅庐学孔明半生心事已无成都将黄鹤山中趣写作烟霞物外情

题沈士偁画

乱云重叠树高低不见人烟只聽鸡它日挂冠寻故隱移家合住在苕溪

题王孟端竹

忆寻飞梦过湘江亲见仙人葆羽幢独坐玉堂春昼永谁分清影到晴窗

题竹鹄图

新竹猗猗叶乍齐多情灵鹄恋双栖人间有喜常先报不学城乌空夜啼

送胡郎中

长干道上含情别明月楼前入梦频同是老年仍在客如今莫说故乡人

题幽篁兰棘图

裊裊新梢带粉痕一枝横棘倚芳根不知天上中和意彼此同沾雨露恩

题桂陰老人

白玉堂前丹桂发水晶宫外月轮高坐聽清漏浑忘寐凉露溥溥湿素袍

题池塘野步

曲栏干外暑风清白葛生凉杖屨轻花隱兰舟看不见时闻隔浦唱歌声

青山白云图

游子殊方清梦遠慈亲瘞玉白云深它年陇上松千尺高节应同孝感心

秋江晚霁

残阳防防照秋波闲理渔罾下浅莎但使得鱼那怕晚水邨南北酒家多

芦汀夜笛

风卷芦花雪满洲笛声飞送一江秋曲中都是沧浪趣楚客聽来不用愁

题画梅

谁将浅黛湿冰魂褪尽当时旧粉痕却忆故山残雪后淡烟笼月夜初昏

又

谁遣缁尘羃縠衣江南鴈尽淡忘归罗浮梦断梨云遠月映佳人启素扉

题许澜伯扇

十年不上读书楼天上归来访旧游却喜琴书今有托莫年从此得优游

题画留别许澜伯

故人喜我遠还家却向溪陰放钓槎且尽樽前一杯酒明朝相望在京华

题秋林小景

孤筇何处事清游林壑生凉雨乍收霜叶一枝红未脱白云深锁乱山秋

送陈宗述之官西蜀

我从东去子西行万里桥边万里程白下杨花多似雪还应难比别离情

留别锡山诸友二首

我将策马入神京诸子乘舟远送行芳草落花三百里依依总是故人情

当筵莫唱渭城歌此去京华路不多明月相思情更切西风木落洞庭波

蕉石图

瘦玉含香黛色新闲庭昼永悄无人芭蕉展尽丁香结又是长门一度春

早朝

禁钟才动晓风防疎竹翛翛对琐闥非是日高帘不卷怕教空翠湿朝衣

题呉彦才画

已将心事付行云莫问君家瑶草春明日穆陵關外路亲知应念远行人

题杏花山鸟

杏花过雨粉香深老去秋娘瘦不禁惆怅看花人不见却将春色付山禽

梨花桑扈

桑扈交交拂曙鸣梨花过雨羽衣轻莫教舞落深窻里怕遣罗敷晓梦惊

海棠白头公

海棠花发满东风猩血妆成万朵红银烛不来烧夜永春情都付白头翁

题卓迪画

长江一道落青天北固山高凌紫烟曾记夜凉吹玉笛海门星斗照楼船

题荷花

鉴湖烟月不胜春十里霓裳照水新汀鹭沙鸥俱未识折芳应误浣溪人

题高彦敬画和高季迪张来仪韵

贞元大历旧风流赋尽江南芷若秋何用山阳闻夜笛水光云影总离愁

题梅花

看花曾忆少年游江海狂踪知几秋莫道何郎今老去未教诗兴减扬州

长安腊尽已春回余雪全消未见梅纸帐夜寒清梦觉梨云空满画中开

万山春雪不胜寒几度曾经载酒看沈醉独眠花影下任教青鸟自啼残

月色娟娟满禁林青绫被拥玉堂深宫壶赐酒初醒后只少梅花伴我吟

题画

西风嫋嫋起林阿一夜新凉到薜萝人在空江秋影里青山不似白云多

题康王渡河卷

北来飞骑疾如风路隔长河势已穷不有当时神马力中兴谁办百年功

为朱景昭题画竹

西山故宅草离离留得潇湘绿玉枝莫恠临风倍惆怅画中尽是故人诗

和靖夜吟图

娟娟霜月夜窻虚隐几看花乐有余心事暗香疎影里平生不作茂陵书

普大云水仙

洛浦仙人绰约姿凌波尘起袜罗时何年化作天花起来散灵山大防期

题高彦敬画

轻烟漠漠雨毵毵风景分明海岳庵北望房山数千里如何清兴落江南

题扇与练经

禁苑看花十二年归来风景总依然当时寿恺人虽远喜有槐阴绿满前

题华东湖画

白发东湖一老仙已乘黄鹤上云烟至今遗墨留人世清兴横飞太华颠

渊明把菊图

典午山河已夕晖却寻三径赋旋归平生心事南山在不为东篱待白衣

题扇别顾伯行

我别家乡七月秋相逢故旧更迟留明朝相忆知何处遥指蓬山十二楼

题画三首

人家隔断水西东行尽溪桥有路通岩树今朝全绿徧夜来曾起落花风

一别溪头旧钓槎十年频看凤城花天恩赐告归来日不识松萝是我家

暖雨初收雾尚昏绿杨深坞杏花村山中少有凡人到满地春阴不掩门

题竹

香露淋漓湿未干迎风翠袖不胜寒劝君莫取青青节留待丹山五色鸾 右雨涤铅粉节

又

湘皋春尽玉青青曾值西风过洞庭碎佩丛铃满烟雨夜深楚客不胜听 右风摇青玉枝

又

春雷初响蛰龙惊猛势凌空夭矫横几度山窗亲见处露华如水月华明 右凌空势方起

又

忆曾相对琐闾深制草成时日乍阴粉湿香浓春烂漫岁寒霜霰岂能侵 右得地色不移

钱塘观潮图

浙江亭上彩云收二十年前忆旧游正是桂花初发 月轮飞上海门秋

王孟端画枯木竹石为张继孟题

古木疎篁倚石边不随桃李鬪春妍平生留得冰霜擦别有幽期在暮年

严子陵

独将风节冠东京不向云台列姓名千古严陵滩上月至今犹似客星明

张志和

风蓑雨笠几经春流水桃花一钓纶身世自甘成两弃翻然终愧有莘人

题凤池清影图

粉湿香凝露乍消湘娥新整翠云翘一春青琐长相对影转金堦近午朝

留别吳秀才

重剪青灯叙旧懽恩深不遣戴南冠平生留得丹心在拟与贞松傲岁寒

红梅

绛罗偷换玉精神不是西湖旧日春花落莫随流水去寻源恐误放舟人

题竹

曾过阳明观下春山前十里尽苍筠东风吹送云门雨只聽鸣环不见人

题王汝瑄扇

不向金门谒翠华一琴一鹤度生涯乱山残雪西湖晓看遍寒梅万树花

题画

数峯相倚玉成簪楼阁深沈酒尚酣十日春寒帘不卷杏花飞雨满江南

送唐同知孟廉之任

杨子江头晓发舟一官新任佐泉州南方民物多凋 此去当分圣主忧

题胡给事中画

碧梧翠竹两清妍陰落闲庭古石边未引丹山仪凤宿画长盖我读书眠

题东郭草堂次梁用行韵

日下西峯月上初防烟收尽四郊虚长歌独自还家去却笑当年读汉书

太白观泉扇面为周上舍赋

芙蓉五朵插青天百尺飞流霁雪悬我欲乘槎上天去不知何处访诗仙

题画

露莎烟草满晴川罢钓归来暂泊船非是野情忘世事闲愁不到白鸥边

又

仙水仙山有路通人家遥住白云中一溪春色无人管流出桃花片片红

题谢孔昭画

曾共沧浪钓晚风今朝江上又相逢莫辞同醉船头月明日烟波各万重